

AFBA:

Proceso di solicitud di permiso na Dimas ta un problema



Pagina 4

- **YMCA Aruba pasando den situacion lamentabel cu problema di sushi**

Pagina 2

- **Plataforma Herencia di Sclavitud Aruba ta tuma over proyectonan pendiente**

Pagina 3

- **Otmar Oduber: Tur gobierno a coopera pa gastonan aumenta**

Pagina 2

Caminda den mal estado: e posibel motibo pa incumplimento cu impuesto di vehiculo di motor



Pagina 6

No tin menasa
eleva pa islanan
den Caribe
memey di tension
entre Venezuela y
Guyana



Pagina 8

Argentina: Corte ta anula reglanan laboral
di Milei



Pagina 10

Otmar Oduber tocante gastonan di gobierno:

“Tur gobierno a coopera pa e gastonan aki a aumenta”

E politico Otmar Oduber ayera a entrega un carta na prome minister pa loka ta trata encuentronan cu a bin tumando luga cu diferente instancia lo cual segun el a sigura, ta conduci na e necesidad di crea un dialogo nacional riba reduccion di gastonan di gobierno sin ni un tipo di menasa cu mester por tin apertura pa henter comunidad pa participa den dje.

Oduber a splica cu pa hopi aña a mira cu cada biaha cu tin un discusion riba un medida, riba aumento di cualkier impuesto of e presion di negociacion cu Hulanda, di biaha ta papia di alternativa pa loka ta trata gastonan di gobierno, pero despues por mira loka ta sosodiendo awor cu no ta hayando e prioridad di gobierno “siendo e curason

di mas fuerte pa loka ta trata e dolor cu tin den gobierno su gastonan cu na Aruba ta dramaticamente halto.”

E apelacion a ser haci ayera mediante e carta ey na prome minister Evelyn Wever-Croes na unda Oduber a bisa cu no mester culpa e gobierno actual sino cu mester ta “mas autocritico” y cu mester acepta cu for di Status Aparte “tur gobierno a coopera pa cu e gastonan aki a aumenta.” Pa e motibo ey, Oduber ta considera cu ta na su luga pa e discusion ey tuma luga y tur partido politico mester por ta di acuerdo cu esaki “mester tin e grandeza si pa nos ta bisa como partido politico, sea bo ta sostene e gobierno aunke bo ta den oposicion, cu aworaki no ta momento pa haci politikeria pasobra mi ta den oposicion, mi kier pa gobierno corta y nos ta acusa y forsa e gobierno pa bay den direc-

cion aki of pa e gobierno cu ta na mando nos partidonan sinti cu bo ta purba hinca nan den un skina.” El a bisa.

Igualmente, Oduber a enfatisa cu su persona kier pa prome minister lidera e discusion aki, invita y inicia e proceso na unda segun el a sigura caba, gremionan ta sinti cu ta e momento pa por haci’e sin e presion, pero pa atende cu asuntonan cu ta serio y cu pa añanan a ser discuti pero no ta tuma luga pa diferente motibo.

Den e carta tambe ta indica diferente punto pa baha gastonan di gobierno, entre nan, cu tin hopi departamento di gobierno na e momentonan aki y instancianan cu a ser crea den ultimo añanan, cu den su opinion ta obsoleto, mester ser privatisa of uni cu otro na unda por reduci e gastonan di gobierno, sin menasa e trahadonan.



YMCA Aruba pasando den situacion lamentable cu problema di sushi



E situacion di sushi rond di Aruba ta keda un problema. Mas y mas hende ta saliendo pa dilanti ariba rednan social pa haci un keho publico ariba e situacion fastioso aki cu speransa cu por bin un solucion.

Ayera ariba nan pagina di Facebook oficial, e club YMCA Aruba a haci un publicacion na unda nan a trece pa dilanti un situacion cu nan ta enfrenta, frecuentemente, cu hendenan desconoci cu ta haci uso di nan barinan di sushi y e espacio rond di e barinan di sushi pa pone nan

saconan di sushi eynan.

“Lastimamente personanan desconoci a trece nan sushi rond di e bari di sushi di YMCA Dakota. Esaki ta algo cu ta pasa demasiado frecuente. Pa cada bes nos haci esaki limpi nos fundacion mester paga cu tur reto financiero cu nos tin,” e publicacion ta indica.

E organizacion a sigui splica cu manera tur hende sa, YMCA ta un fundacion cu ta depende ariba diferente donacion pa asina fin di luna nan por cubri nan gastonan mensual pa ofrece e mihor

servicio. Entre e gastonan aki ta mas cu claro e servicio di recoge sushi.

“Nos tin entre e dos centro nan hunto rond di 120 mucha y hoben y nos enfoke primordial ta pa duna e mihor calidad di Tra’i Merdia posibel. No ta posibel pa por paga pa hiba sushi cu no ta di YMCA. No haci nos trabou mas complica pero yuda nos hiba nos fundacion pa dilanti. Ban tene YMCA ARUBA limpi! Ban tene Aruba limpi,” e publicacion a termina. Mas cu claro e publicacion a ricibi varios reaccion y comentario na unda mayoria di

usuario ta condena e acto di e hendenan desconoci aki cu no tin berguensa.

“Un tristesa total, YMCA ta un centro pa mucha nan NO UN DUMP NOBO. Minister Ursell Arends do something about this,” un usuario a comenta.

“Teribel. Unda e parti CIVICO di nos Comunidad di Aruba a keda? NOS MUCHANAN Y HOBENAN MERECE MIHOR!” otro usuario a bisa den su comentario.

“Hende ey ta hopi sinber-

guensa di su parti, en bes di yuda e fundacion, ta dun’e mas gasto. Esey bo ta yama un abusador, probechador,” otro a comenta.

E problema di sushi ta creciendo. Dumpnan ilegal ta wordo haya na diferente parti di e isla y situacionnan manera esun cu YMCA ta pasa aden ta sosodiendo frecuentemente. Comunidad ta haci un yamada na e minister encarga pa trece un solucion pa situacionnan lamentabel asina.

Plataforma Herencia di Slavitud Aruba ta bay tuma over proyectonan pendiente pa loke ta trata slavitud na Aruba

For di algun tempo caba, Fundacion Rancho ta bezig ta haciendo proyectonan, combersatorionan, entre otro, pa conserva herencia cultural y tur lo cual tin di haber cu pasado caminda cu pa continua cu proyectonan pa loke ta trata slavitud na Aruba, p'esey a crea un plataforma pa tuma over e trabounan pendiente.

Clifford Rosa, presidente di e fundacion a informa cu e aña aki nan ta bay celebra 200 aña di Oranjestad y ademas di esey nan tambe ta encarga di conscientisa tocante herencia di slavitud na Aruba, den otro islanan y den Reino Hulandes.

Den pasado nan a haci diferente encuentro pa vocifera lo cual cu fundacionnan, artistanan y esnan interesa den e tema aki, for di 1 di juli 2022 nan a forma como organizacion, tambe pa papia di slavitud y su influencia na Aruba.

Tur actividad di aña 2023 cu Fundacion Rancho den su kalender a toca, tambe ta e tema di slavitud pa motibo cu ta un topico cu no ta ser papia di dje manera mester ta y esnan cu mester papi'e, no tabatin mucho informacion



di kico pa haci.

Pa november di aña pasa, e comision di Gobierno di Aruba y Ministerio di Cultura a informa stakeholders y otronan cu tabata den e proceso di reunion interesa den e topico aki cu comision di Aruba no ta bay haci nada mas te cu proximo aviso.

Dia 20 di november den nan combersatorio di Dia di Derecho di Mucha a bin dilanti cu mester bin un plataforma pa atende cu e parti aki

di herencia di slavitud na Aruba mirando con Aruba ta actualmente, den e situacion social y cultural cu ta necesario pa e topico bira un tema bibo, segun Rosa splica, den sentido di cu tin hopi informacion y decisionnan nobo cu ta ser tuma tambe den materia di historia pa ta na altura di tur lo cual ta pasando. Na januari di e aña aki a tuma reunionnan urgente y nan cuminsa formula e documentonan pa tin e notulanan na ordo y nan por yega na intencion pa lanta e Plataforma Herencia Slavitud Aruba cu a ser presenta dialuna ultimo mediante un conferencia di prensa. Ademas, Rosa a sigura cu for di comienso di aña, 6 di januari especificamente, a tuma e decision pa bin cu un plataforma mirando cu tabatin un reunion hopi importante na Den Haag, Hulanda ayera 31 di januari unda a bay toca e tema di pasado di slavitud y e futuro di e topico aki di herencia, "esey sigur ta un momento hopi crucial pa pais Aruba cu mester ta presente y p'esey como Fundacion nos ta sigui y nos ta contento cu tin un plataforma cu a forma unda a scoge un persona pa representa e plataforma aki den e reunion di ayera." Rosa a bisa.

Rosa a haci un yamada tambe na otro organizacion cu tin nan mesun fondo pa bay na e reunion aki y esey a sucede caminda cu un persona a bay Hulanda representando e Plataforma aki, cada un di nan cu nan experticio y profesionalismo y Rosa a señala cu nan ta desea pa cu e union cu a ser crea den e proceso aki, bira un union cu ta duna

e resultado desea pa nos comunidad henter mirando cu esaki ta un iniciativa for di comunidad mes y no un otro instancia gubernamental, "p'esey nos ta bisa cu e ta algo nobo, Aruba no a conoce un plataforma asina grandi pa un responsabilidad cu ta rekeri y cu ta un tema bibo na Hulanda y otro paisnan den Caribe." El a bisa.

Igualmente, Rosa a lamenta cu nan mester a bay haci pasonan hopi firme y hopi duro pa nan por muestra cu nan t'ey y cu nan t'ey pa e comunidad pa asina ey nan por haya e posicion cu nan mester den e comision cu tin di haber cu slavitud mirando e diferente manera sea Nacionnan Uni, CARICOM of via e sistema colonial, manera el a comenta, pa motibo cu "den esaki tambe nos ta unico paisnan cu ainda cu ta colonisa, cu ta purba di trece e topico aki riba mesa," Rosa a expresa. 27 di januari a tuma luga e firmamento di e documento di e plataforma aki unda algun di e organizacionnan cu ta duna sosten na e iniciativa aki hunto cu otro individuanan cu a compromete pa traha pa herencia di slavitud di Aruba.

Aña pasa a ser celebra 160 aña di abolicion di slavitud y den contexto ey, Rosa a sigura cu nan ta bay atende cu loke a pasa prome, durante y despues di abolicion di slavitud te awe cu lo celebra e 200 aña di Oranjestad cu dos diferente pensamiento, esun colonial y di esnan cu a ser colonisa.

Por a recorda cu dia 11 di november di aña pasa, minister di Cultura Xiomara Maduro a ser invita pa Genootschap

Nederland Aruba pa duna un discurso den cuadro di e Herdenkingsjaar Slavernijverleden, na final di e discurso e minister a informa cu Aruba lo no forma parti mas di e agenda pa conmemora e abolicion di slavitud den Reino Hulandes, "e motibo principal pa esaki ta e manera di trata cu otro den e negociacionnan pa refinancia e debe di e pandemia, y e 'strafrente' di 300 miyon florin cu Aruba ta haya pa paga pa un yudansa basa riba articulo 36 di Statuut." El a bisa.

Pa esaki, Rosa a comenta cu "puramente pa e hecho ey, cu e mandatario a expresa esey, e panorama a cambia totalmente di tur expectativa cu tabatin pa Aruba, algun organizacionnan a haya fondonan chikito di por ehemplo, Mondriaan Fonds cu ainda esey ta lo cual nos tambe por a logra cune, pero e expectativa macro den e topico aki, nos ta bisa si cu ta di lamenta e expresion di nos mandatario y e resultado ta cu aworaki ta bay tin un plataforma cu ta bay ta tumando e trabou over mirando cu Aruba tin un responsabilidad den e topico aki y mi ta kere e plataforma lo mester por ta esun cu ta bay asumi e responsabilidad pero tambe ehecuta proyectonan cu ta pendiente." Rosa a finalisa.

Presente den e presentacion di e plataforma nobo, tabata presente Shirley Caines, Sirelda Jackson LPS Aruba y boluntario di Fundacion Rancho, Sharina Gumbs di Soul Harmony Foundation, Sonny Richardson di We Culture y Gisele Sint Jag di Stichting BEULAH.



AFBA ta prefera busca personal cu no mester permiso pa motibo cu proceso na DIMAS ta un problema

Den nos edicion di ayera nos a publica un articulo tocante e conferencia di prensa di Aruba Food & Beverage Association (AFBA) na unda COO di AFBA, Miriam Dabian, a trece pa dilanti e preocupacion di e organizacion pa loke ta trata escasez di personal den e sector di horeca. Durante e conferencia di prensa, miembronan di prensa a haci algun pregunta relacion na e situacion di stranheronan cu ta na Aruba, cu no tin status legal (indocumenta), pero cu si ta dispuesto pa traha den e sector aki.

Manera ta conoci e grupo di indocumentadonan na Aruba ta grandi y e grupo aki, na varios ocasion a vocifera nan deseo pa uni na e mercado laboral y contribui na economia di Aruba. Sra. Dabian a splica cu AFBA tin comprendemento di esaki, pero AFBA y su miembronan no por contrata un persona sin permiso pa traha.

El a remarca cu pa e motibo ey nan ta papiando y deliberando pa mehora e procedimiento pa no trece mas hende di afo siendo cu tin persona, hasta profesional na Aruba mes, pa yena e vacaturanan, pasobra trece hende di afo por nifica un proceso largo y costoso pa un compania.

Dabian a expresa, for di su punto di bista cu e sistema cu tin actualmente, ora cu



trata di procesonan pa saca permiso, ta burocratico. "Tin caminda cu por mehora y esey nos ta purbando y nos ta mustrandando unda nos ta haya obstaculonan na caminda pa por surpasa e obstaculonan aki pa e persona cu ta solicitando e trabao por haya trabao lo mas pronto posibel y asina nos ta yena e necesidad di nos socionan," el a bisa.

El a resalta cu como dunador-

nan di trabao nan ta prefera di busca empleado cu no mester permiso pasobra e situacion ta dificil y na momento cu mester pidi un permiso, actualmente e solicitud por durar dos pa tres luna y den hopi ocasion hasta mas. Esaki ta inclui peticion nobo of pa cambio di trabao of pa extension.

Dabian a splica cu e problema cardinal cu nan tin cu e proceso di saca permiso ta e trayectoria di pidi un permiso te ora cu nan haya un permiso, locual ta tarda y por ta costoso. Di otro banda el a remarca cu nan no por fomenta contrata personal sin permiso y si tin mas Arubiano ya solicita, Arubiano nan lo tuma.

"Bo por bisa den tur negoshi bo ta haya e mescla di Arubiano, e hendenan cu tin años na Aruba cu tin firma liber. Pero e problema ta e vacaturanan cu nos tin nos no ta hayando hende pa cubrinan," el a señalá.

Miembro di AFBA presente na e conferencia di prensa a remarca cu aworaki un persona stranhero ta haya e prome permiso, locual ta un mehoracion pasobra tabatin un tempo cu nan no tabata haya ni e prome permiso mes. Pero aworaki tin otro prob-

lema, cual ta cu e persona mester traha cu e mesun compania pa tres of cinco año. "Esey ta fastioso pasobra algo por pasa of e persona kier bay of e compania no ta contento mas cu e persona ey y mester tin oportunidad pa cambia e permiso mas lihe," el a indica.

Un problema ta agrega na otro y ta haci e preocupacion mas grandi mirando cu tin mas hotel cu ta na caminda y esey ta aumenta e demanda di personal, algo cu ta alarma e organizacion.

Den un articulo publica den nos edicion di 29 di juni 2023, cu ta carga e titulo "Minister Glenbert Croes: E tema di carrying capacity mester a wordo pensa prome cu a duna permiso pa tur e hotelnan."

E articulo aki ta trata di un reunion publico cu a tuma den Parlamento di Aruba na unda Minister Glenbert Croes a presenta e manual di admision nobo cu a drenta na vigor dia 1 di februari, na unda ta delinea e politica y maneho pa admision y integracion.

Pa loke ta e tema hotel y carrying capacity, e lider di fraccion MAS, Marisol Lopez-Tromp, a trece pa dilanti durante su ronda di pregunta cu

carrying capacity tin hopi di haci cu e tema di admision y integracion.

Minister Croes a splica cu e carrying capacity pa loke ta trata hotelnan a ser defini pa e cantidad di hotel cu tin den realisacion. No obstante e presion riba carrying capacity cu esaki ta ocasiona, el a resalta cu e no por cera su wowo como Minister di Labor cu hotelnan ta wordo construi y mester trahado pa construcion y pa operacion di e hotel.

"Nos yiunan di tera ta hayando hopi trabao, pero e realidad ta cu tin hopi mas trabao cu tin trahado y esey ta e motibo dicon ta terciendo trahado di afo," el a subraya.

El a trece pa dilanti cu indicacion den e analisis di cifranan di mercado laboral hopi persona cu tabata cay den e grupo di hendenan inactivo den e mercado laboral, cu no tabata buscando trabao, aworaki ta buscando trabao y ta hayando trabao.

Pa loke ta e pregunta di palabracionnan cu Gobierno di Aruba tin cu hotelnan, Minister Croes a splica cu e tin contacto cu tur y cu e ta traha di cerca cu tur y su meta ta percura pa tin trahado pa tur hotel.

El a remarca cu e ta kere cu e politica di integracion responsabel ta ser midi pa e cifra di desempleo, pasobra esey ta muestra cu e ta baha a pesar cu ta haciendo un integracion efectivo di stranhero den mercado laboral; e cifra ta demostra cu e yiunan di tera ta hayando trabao na prome luga, pero no obstante ta integrando tur hende cu ta fisicamente akinan caba.

"E unico cos cu mi por bisa cu ta determinante pa Ministerio di Labor, ta cu nos tin asina hopi proyecto di hotel cu mester trahado y mi tarea ta traha cu nan pa nan tin trahado. E tema di carrying capacity mester a wordo pensa prome cu a duna permiso pa tur e hotelnan, honestamente. Aworaki hotelnan ta wordo construi y nan tin cu wordo opera. E ta un realidad cu mester biba cune. Mare nos por a hiba e discusion aki prome cu e permiso di e hotelnan ey a wordo duna," el a enfatisa.



Editor

Caribbean Speed Printers N.V.
 Aruba Bank N.V. Acc. #332668
 Caribbean Mercantile Bank N.V.
 Acc. #23951903
 RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figuereo (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
 accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
 di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Mas hotel, mas condominio... Mas empleo, pa ken...?

Asunto contradictorio den bida publico no ta algo excepcional; cerca nos sigur cu no. Mientras gran parti di comunidad ta sclama pa claridad en cuanto e cantidad di hotel y otro acomodacion den planificacion ainda, y ta urgi pa para esakinan, e sector turistico mes ta sclama pa e escasez di trahador cu tin actualmente. Pa ambos aspecto mester wak den direccion di gobierno, pasobra ta nan so por duna claridad den e promer tema, y ta nan so por resolve e problema di escasez. Y ya cu diligencia no ta un don conoci di gobierno, lo bay tarda pa tende algo den ambos caso.

Pa loko ta e promer asunto; recientemente un parlamentario di banda gubernamental a declara di kier sa cuanto proyecto di hotel ta den preparacion ainda y pa cual gobierno a duna e permisonan corespondiente. Esey a su debido tiempo nos lo haya sa con e situacion ey ta. Lo ta bon pa nota si cu no ta trata di e peticion y permisonan otorga pa e gobierno aki so, sino tambe di e compromisonan haci anteriormente y cu ta pendiente, cu tur nan consecuencia. Mientras nos ta spera un contesta riba esey, laga nos pone atencion na e otro asunto urgente, e falta di trahador den sector turistico.

Un comentario cu ta bin dilanti cada vez cu tin un situacion manera actualmente, ta cu lo tin suficiente forza laboral local disponible, basta cu e dunadornan di trabao paga sueldo mihor y duna otro beneficio razonable pa e era cu nos ta biba aden. Esey ta asina? Por lo menos parcialmente. Aunke no por bisa cu tur e forza laboral extra necesario ta presente actualmente, ta un hecho cu e sector turistico mes no ta avanzando lo suficiente cu drecha nan condicion di trabao pa haci empleo den e sector mas atractivo, aunke un parti si di e empresanan den e sector, principalmente e hotelnan, cu a pasa caba pa un siman laboral di cinco dia, percurando asina cu nan empleadonan tin dos dia di descanso cada siman. Pregunta: pakico e otro nan no ta sigui e chemplo ey? Asina tanto miedo pa cambio (positivo) nan tin? Nos no a tende nunca cu esunnan cu a switch pa 5 dia ta perdiendo placa...

Sin embargo, e cambio positivo menciona no a trece mas claridad den e caso di e personal contrata a base temporal via 'uitzendbureau' o otro contratista. Nos por corda cu nos a reporta na 2020 cu na momento cu e crisis di Covid-19 a yega na nos porta, miles di trahador clandestino a perde nan empleo, sin ningun forma di compensacion. Awor cu situacion economico a mehora, un parti sustancial di e forza laboral a keda emplea di e mesun forma ilicito aki atrobe?

Fuera di esaki tin mas problema cu den ultimo

decadanan no a muestra avance den direccion positivo. Aki tambe un contradiccion: mientras gobierno a palabra cu Hulanda pa traha riba 'flexibilizacion' di ley laboral, den e Landspakket, pa haci retiro di trahador mas facil y asina stimula – supuestamente – nos economia, por caracteriza Aruba como un berdadero paraiso di posibilidad di empleo temporal. Esaki pa un parti legal y otro fuera di ley. E parti 'legal' ta tur tipo di contrato cu uitzendbureau, 'nulurencontract' y empleo 'on call'. E parti ilegal ta e existencia di contratacion temporal di persona indocumenta, sin un debido control di autoridadnan, cu ta laga e trahadornan aki den un situacion sumamente vulnerable, manera e sucesonan menciona, na 2020, a ilustra. Riba tur esaki ta bin e peculiaridad cu cualkier stranhero cu logra haya un permiso, tin trabao garantiza pa por lo menos un aña, mientras cu e empleado local ta e 'seasonal worker' cu ta keda contrata por chemplo pa temporada di fin di aña, pa keda retira ora cos slow down despues atrobe. Nos ta haya straño anto cu e animo bao di trahador local pa traha 6 dia pa siman y sin seguridad laboral a mas largo plazo, ta minimo? Mester bisa cu aki no ta papiando di tur funcion sino specialmente di e empleo menos bon paga den henter e sector.

Pa completa e vista aki riba nos realidad; nos ta kere cu sigur pa un parti no por satisfice e demanda laboral for di loko tin presente actualmente como reserva laboral local. Ta necesario pa trece un parti sustancial di e demanda for di exterior. Aki ta surgi e siguiente problema pasobra di ningun manera nos por a ripara den ultimo añanan cu tabatin un mehoracion na e departamentonan responsable pa conseho di mercado laboral y permiso di estadia, relaciona cu trabao. Loko a atrae mas atencion ta e esfuertonan di e ministro concerni pa deshaci di e directora di Dimas, sin cu tabatin algun clarificacion di su supuesto malfuncionamento. Di eventual mehoracion di e procesonan administrativo, y mas cu tur cos e medidanan anti-corupcion cu mester a tuma pa deshaci di e mal reputacion y pa percura pa proceso di peticion mas agil: nada... Contal cu nos ta dilanti di un temporada di hopi presion cu den pasado a culmina den fiesta di corrupcion, pasobra desesperacion ta stimula corrupcion. E remedi: proceso agil y transparente, pero esey ta demasiado pa pidi, mucho menos exige. Como agravante e situacion actual ta nada menos cu un vistazo riba futuro cercano, unda mas dependencia riba forza laboral di exterior lo keda goberna nos realidad economico. Varios aña pasa caba mester a haci e pregunta clave: mas camber ta mas empleo: pa ken? Como cu ciencia basico nunca a logra penetra den gobernacion, esey ta pone nos den e realidad di awe...

Caminda den mal estado: e posibel motibo tras di incumplimento cu impuesto di vehiculo di motor



E siman aki, Departamento di Impuesto a haci un yamado na comunidad pa cumpli cu e pago di impuesto di vehiculo di motor, ya cu ayera 31 di januari tabata e ultimo dia pa paga por lo menos e prome mita di aña 2024.

Meverly Romano, vocero di DIMP, a insisti riba e importancia di paga impuesto di vehiculo di motor, enfatizando cu tin hopi automobilista cu

no ta paga na tempo. Desde ayera, pa esnan cu no a cumpli cu por lo menos e pago di mita di aña 2024, nan sistema lo traha e boetnan cu ta representa 50% di e suma cu no a paga.

Romano a splica cu a cera aña 2023 cu 89.827 vehiculo di motor registra na Aruba, 84% di automobilistanan a cumpli cu e pago di impuesto y 14% no a cumpli, sea cu no a paga completamente of a paga mita

di aña so y 2% a entrega nan plachi di number.

E total di incumplimento pa 2023 ta di 12.912, di cual 8.445 plachi number cu no a paga nada di e impuesto aki y 4.467 si a paga un parti. E 12.912 cu no a paga 2023, lo mester haci esaki prome cu por paga 2024.

Pa loke ta trata cifranan di e aña aki, 89.832 vehiculo di motor ta registra y te dialuna, apenas 21% di e contribuy-

entenan a cumpli cu pago di impuesto, loke ta nifica 18.371 contribuyente a cumpli caba. 79% di automobilistanan te cu dialuna no a cumpli cu e pago di por lo menos, e prome parti di aña 2024.

E anuncio di DIMP tocante e proporcion di incumplimento a genera hopi reaccion entre usuarioan di rednan social. Entre nan, e argumento mas comun cu a keda expresa ta cu no ta mira e motibo pakico mester paga impuesto di vehiculo di motor, mirando e estado deplorable di cayanan di Aruba.

Riba pagina di Facebook di un noticiero local, un usuario a comenta: "E ta un deber berdad pa paga belasting di number di auto, pero tambe ta deber di gobierno usa e placa di number di auto pa drecha caminda, pasobra ami tin cu cambia shocks -stabelizer bushing sabelizerer link tire y paga number, pero e ministernan ta haya vergoeding, haya auto cu pueblo ta paga pa

nan core aden y nan auto mes warda den garage na cas biba dushi om." E comentario a haya mas cu 200 'like' y 'love', indicando cu esaki ta un sentimiento comparti pa gran parti di ciudadania. Igualmente, centenares di comentario tabata expresa e mesun critica.

October ultimo, Bon Dia Aruba a puntra directora di e departamento, Luenne Gomez-Pieters si di e entrada di impuesto di vehiculo di motor cu doñonan di vehiculo tin cu paga anualmente, ta dirigi un parti pa drecha e careteranan cu e automobilistanan ta usa. Gomez-Pieters a splica cu den caso di e ley di cobranza di impuesto di vehiculo di motor, tur entrada di impuesto ta bay den e caha di gobierno y na final ta gobierno sa kico ta e necesidad di inversion. DOW ta entrega su necesidad pa inversion den carretera y segun cu tin e placa, ta aloca e ora e placa aki pa inversion di DOW. Por haci un cambio den e ley solamente si esey ta e deseo di gobierno.

Detencion di sospechosonan den Kwihí suspendi

Ayera huez-comisario a duna ordo pa alarga detencion preventivo di e sospechosonan E.M.G.K. y M.S.M den e investigacion Kwihí. Na mes momento huez-comisario a dicidi tambe cu e detencion preventivo lo no wordo ehecuta semper y cuando e sospechosonan tene nan mes na condicionnan.

Un di e condicionnan aki ta cu e sospechosonan mester meld nan mes na momento cu nan wordo yama pa interrogacion. E investigacion Kwihí ta continua. No ta descarta detencionnan nobo.

Kwihí ta un investigacion tocante acuerdonan di servicionan (dienstverleningsovereenkomsten) den e periodo 2017-2021, cera door di e minister anterior di Transporte, Comunicacion y Sector Primario cu varios persona huridico (rechtspersonen). Investigacion den e caso denomina como 'Kwihí' a cuminsa cu entradanan hudicial bao guia di hues-comisario, cu a tuma luga na varios adres relaciona cu e investigacion di algun contract di servicio cera door di ex-minister Chris



Romero, tempo cu e tabata den su funcion como minister. E zoekingnan a tuma luga na cuatro adres unda a bay cu administracion di compania, computer y varios hard disk cu ta elementonan crucial pa e investigacion di Landsrecherche. Tabata dia 21 di november ultimo cu OM a informa di detencion di E.M.G.K., un persona considera amigo, man drechi y ex-coordinador di ex-minister di Transporte, Comunicacion y Sector Primario, Chris Romero. Sinembargo, e tempo aya Ministerio Publico a indica cu a laga K. den libertad "pa motibo di circunstancianan personal." Sinembargo, e tempo ey caba a indica cu K. tabata keda como sospechoso den e caso.

For di comienso, e sospechosonan principal den e caso Kwihí ta ex-minister Romero, su ex-coordinador K. y e muhe identifica como

M.S.M. M. ta aparece riba e pagina di Camara di Comercio di Aruba como propietario di e compania MADBOR CONSULTANCY. E compania aki a fungi manera un uitzendbureau pa e ex-mandatario y ta sospecha cu a ricibi placa fraudulentamente di Pais Aruba via e construccion aki. Tambe Ministerio Publico ta investigando si e placa cu e personanan aki - Koolman cu Maduro - a usa pa compra un corant digital cu ta riba mercado di Aruba, ta bin for di actonan castigabel. Si esaki ta e caso, e lo por cambia completamente e panorama di e investigacion.

Tambe por a compronde cu Landsrecherche a yama e otro socio di e corant digital pa e por duna su declaracion den calidad di testigo den e caso specifico aki. Te na e momento aki, resultado di e linea aki di investigacion no ta conoci.

Inversion miyonario pa sistema di portofoon y mobilfofon nobo pa henter Cuerpo Policial di Aruba



Dialuna, Minister di Husticia y Asuntonan Social, Sr. Rocco Tjon a aproba e oferta cu comision multidisciplinario a scoge pa e compra di portofoon nobo pa henter Cuerpo Policial di Aruba.

Segun un comunicado di gobierno, tin hopi inversion tumando luga pa cu Cuerpo Policial, cu ta toca e parti di infraestructura, material pero tambe e parti organisatorio.

Ta asina cu ya pa algun luna tin un ekipo multidisciplinario trahando pa yega na portofoon nobo pa Cuerpo Policial. Esaki ta un di e hermentnan di mas importante pa e Agente Policial por eherce su trabao optimalmente. Di e forma aki, e por

garantisa su propio seguridad y e integridad di Cuerpo Policial aun mas.

Pa prome biaha cada Agente Policial lo haya su propio portofoon, y di e forma aki, manera a indica, ta bay eleva seguridad pa e Agentenan, pero na mes momento ta trata na evita kiberbronan di integridad pa loke ta acceso na informacion. Pa e motibo ey tambe a percursa pa e "encryption" di mas sofisticada.

Banda di esaki, mester remarca cu tur e autonnan nobo pa Cuerpo Policial, cual por cierto a yega Aruba caba, tambe lo wordo ekipa cu "mobilfoons". Di e forma aki nos lo sigui inverti den nos departamentonan hudicial e lunanan nos dilanti, segun e comunicado.

Biogen lo stop di bende su medicamento controversial pa Alzheimer's, Aduhelm

(AP)—Biogen lo stop di bende su tratamiento pa Alzheimer's, Aduhelm, cual ta un medicamento cu a ser considera como un posibel éxito cu a cay despues di su lansamento algun año pasa. E fabricante di e medicamento tambe a bisa ayera cu e lo para un estudio riba e droga rekeri pa aprobacion completo for di e FDA.

Pashentnan tumando dosis di Aduhelm disponibel via e mercado comercial por sigui tuma esaki te cu november. Un representante di compania a bisa cu tin aproximadamente 2,500 hende mundialmente cu ta tumando Aduhelm. Biogen a bisa cu e lo cambia su enfoque riba otro tratamiento pa e malesa fatal. E compania tambe ta yudando fabricante Hapones, Eisai, bende un otro tratamiento pa Alzheimer's, esta Leqembi, cual a ricibi aprobacion completo for di FDA año pasa.

Leqembi ta e prome medicina cu a keda muestra cu e ta retrasa e caida cognitivo causa pa e malesa Alzheimer's, aunke den un manera modesto so. Reguladonan a aproba esaki



pa pashentnan cu demencia leve y otro sintoma causa pa Alzheimer's.

Ora Aduhelm a debuta na 2021, e tabata e prome medicamento pa Alzheimer's den casi dos decada. FDA a duna aprobacionnan acelera pero a rekeri mas estudio pa un aprobacion completo, cual por resulta den cubrimiento di seguro mas amplio.

Aduhelm ta priminti pa retrasa e progreso di e malesa en bes di djis mancha su sintoma, manera otro medicamento riba e mercado. Cu un prijs inicial di 56,000 dolar pa año, analistanan a pronostica cu e lo bira un medicamento exitoso cu lo genera biyones pa Biogen. E programa Medicare di gobierno federal a subi e premie cu e cobra pa su cubrimiento par-

cialmente debi na un entrada di keho anticipa. Pero dokternan tabata dudoso pa prescribi e medicamento, dunando evidencia zwak cu e ta mehora e bida di e pashentnan cu Alzheimer's. Seguronan a blokia of a limita cubrimiento. Medicare, cual eventualmente a baha su aumento di premie, a impone limitacionnan estricto riba ken por haya e medicamento.

Ta parce cu esey tabata especialmente dificil pa Biogen. Mayoria pashent di Alzheimer's na Merca ta suficiente grandi pa cualifica pa e programa federal, cual ta cubri pashentnan di 65 año bay ariba. E droga e genera miyones, no biyones, den bentanan kwartaal. Biogen a anuncia na 2022 cu e lo cera un gran parti di e marketing di Aduhelm.

Año pasa, Biogen a cuminsa un buskeda no exitoso pa financiamiento of partner externo pa yuda cu Aduhelm. Esey a ser haci como parti di un evaluacion cu e compania a haci di su investigacion y programa di desaroyo.

Biogen a bisa cu el a considera durante e evaluacion ey, e tempo y inversion cu lo ta rekeri pa un otro estudio y avancen den e veld prome cu Aduhelm ricibi aprobacion completo. Banda di Leqembi, pashentnan tambe por haya un otro opcion di tratamiento pronto. FDA actualmente ta evaluando un posibel medicamento for di Eli Lilly and Co. ta anticipa un decision na comienso di e año aki.

Hende rico na Hulanda ta biba ocho año mas largo compara cu hende pover

(NLTimes)—Residentenan Hulandes ta bibando mas largo cu nunca, pero e pais tin desigualdad di salud significante, segun Sociaal- Economisch Raad (SER). E 20% di e Hulandesnan mas rico ta biba mas cu ocho año mas largo y hasta 24 año mas largo den bon salud compara cu Hulandesnan mas pover. Y hendenan teoreticamente educa ta biba un averahe di cinco año mas

largo y 14 año mas largo den bon salud compara cu hendenan practicamente educa.

Den un carta pa e gabinete nobo, e consejo consultorio a bisa cu Hulanda mester un metodo completamente diferente pa cuida medico. En bes di enfoca riba cuida y despues di cuida, Hulanda mester tira un bista mas pa preveni problemanan di salud por medio di tambe pone cuida medico

dentro di otro areanan di politica, variando entre vivienda y educacion, SER a bisa. Esaki ta un responsabilidad colectivo, segun e consejo a subraya. E politica actual di Hulanda ta enfoca principalmente riba e individual—encurashando hende pa haci ehercicio y come mas saludabel. Pero tin problemanan sistematico cu individualnan no por cambia. “Problemanan di salud frecuentemente ta e resultado di un acumu-

lacion di problema den bida di hende. Muchanan cu ta crece den pobresa ta haci menos ehercicio y ta come menos cuminda saludabel,” SER a bisa. “E causanan aki tin un efecto directo riba e prestacion di mucha na scol, y p'esey, riba nan chensnan den bida.”

“A inverti basta den cuminda, deporte y comportamiento individual di hende,” segun Marike Knoef, miembro di SER y un profesor di economico na Tilburg University, a splica NOS. “Pero nos aviso ta realmente tocante e sistema. Pues con por politica, e mercado laboral, seguridad social y e medio ambiente por ser mehora pa tambe reduci e diferencianan di salud ey?”

“Si bo tin stress financiero, e por domina bo bida. Bo tin preocupacionnan; bo ta drumi malo. E por afecta bo relacionnan. Esey tin un efecto negativo riba bo salud,” Knoef a continua. “Pues

con bo por stimula e uzo di skema? Con nos por reduci inciertud cu contractnan permanente?”

SER ta recomenda poniendo un minister encarga di sigura cu efectonan di salud ta ser considera den tur area di politica. Y ta importante pa priorisa regionnan y barionan vulnerabel den e acercamento aki, SER a bisa. Pa aumenta seguridad social y pa resolve problema cu vivienda, educacion y finanzas ta reduci stress y ta mehora salud y bienestar.

Transformando e “sistema di cuida medico” actual di Hulanda den un “sistema di cuida” ta bon pa individualnan y e pais henter, SER a bisa. “Hendenan mas saludabel por participa miho den sociedad y e mercado laboral. Un poblacion mas saludabel tambe tin un efecto positivo riba e economia, productividad laboral y capacidad innovativo.”



Fiscalnan ta pidi sentencia di bida pa 3 sospechoso den asesinato di Peter R. de Vries



(AP) - Fiscalnan a pidi sentencia di bida riba di aranson pa 3 sospechoso den e asesinato di reportero Hulandes Peter R. de Vries y sentencianan di 3 pa 21 aña pa 6 otro den e huicio tumando luga na Amsterdam.

E sentencianan di bida a ser pidi pa e homber cu aparentemente a tira de Vries den Amsterdam dia 6 di juli di aña 2021, e supuesto chauffeur di escape y e homber sospecha di a organisa e asesinato. De Vries, un reportero popular y presentador di television a fayece 9 dia despues di e incidente cu 64 aña di edad.

Fiscalnan anteriormente a pidi e huesnan pa impone sentencia di bida riba e sospechosonan cu ta e asesino y chauffeur na un huicio anterior cu a ser para den aña 2022 sin veredicto ora cu evidencia nobo a surgi y mas sospechoso a keda aresta. E asesinato di de Vries a impacta Hulanda. Rey Willem Alexander a yama esaki un "atake riba journalismo, un parti importante pa estado constitucional

y pa e motibo aki tambe un atake contra e ley."

De Vries tabata consehero y confidente di un testigo protegi den e huici di supuesto lider y otro miembronan di un gang criminal. E testigo su ruman homber y abogado ambos a ser asesina. Refiriendo na e asenatonan, e fiscal a bisa den un declaracion diaranson cu de Vries su asesinato ta "e tercer den un cadena di atake contra ley. Esaki mester tin un peso sumamente pisa den e sentencia." E fiscalnan no a acusa ningun sospechoso cu ordena of pidi e asesinato. "E hecho cu e persona cu a pidi e asesinato no ta conoci y no ta den huicio aki naturalmente ta un sombra riba e huicio aki," Annemiek van Spanje, un abogado di e famia, a expre-



sana The Associated Press.

9 sospechoso ta den huicio actualmente na corte di distrito di seguridad halto na Amsterdam. Riba dia di apertura, nan a nenga contesta preguntanan di e hues, invocando nan derecho di permanece den silencio.

Abogadonan di e sospechosonan ta den plan di dirigi nan mes na e huesnan den e dianan binidero. Veredictonan ta premira di ser dicta den juni. E identidadnan completo di e sospechosonan no a ser revela, di acuerdo na e reglanan di privacidad na Hulanda.

No tin menasa aumenta pa islanan den Caribe den medio di tension entre Venezuela y Guyana

(CuraçaoChronicle) - Den medio di tensionnan cu ta escalando entre Guyana y Venezuela, tin siguransa cu Aruba, Bonaire y Curaçao no ta enfrenta un aumento den menasa. Minister di Defensa, Ollongren, a duna e mensahe aki na e Cas Hulandes di Representante.

Siendo teritorionan bisña, e Reino Hulandes ta monitor di cerca e desaroyonan regional. E preocupacionnan

tocante e tensionnan den aumento por potencialmente stroba estabilidad den e area y esaki ta ser mira na nivel di Union Europeo tambe. Reino ta enfatisa con significativo ta cu Venezuela y Guyana ta respetando e decision di Corte Internacional di Husticia. E ta haci yamado pa restringi di cualkier accion cu por stroba e status quo existente of empeora e situacion, strobando e buskeda pa un resolucion.

Minister Ollongren a enfatisa

cu mas di 1,000 empleado di varios componente di Defensa incluyendo empleadonan civil y militar, ta actualmente staciona den e parti Caribe di e Reino. Nan presencia ta dedica na trata tareanan militar y di polis den e region.

E garantia aki ta bini na un tempo unda e tensionnan geopolitico ta treciendo preocupacion na nivel global, y e Reino ta permanece vigilante pa e seguridad y estabilidad di su teritorionan Caribense.



Oficina di impuesto di Corsou un biaha mas ta acusa di favoritismo y practica di coleccion inadecua

(CuraçaoChronicle) - E Oficina di impuesto di Corsou un biaha mas ta acusa di provee tratamento di preferencia den su practica di coleccion pa un grupo di pagadornan di impuesto selectivo. Esaki tabata e respuesta di Minister di Husticia, Javier Sylvania, ora cu parlamento a haci preguntanan.

Segun Sylvania, Soab (bureau di accountant di gobierno) su reportahe ta indica cu cierto pagadornan di impuesto ta haya tratamento mas favorable. Esaki ta ser haci pa medio di no colecta activamente impuesto cu ta debe, ofrece



areglonan di pago cu no ta rasonabel y duna favoritismo na 'family and friends' ora di distribui regreso di impuesto. E Minister tambe a admiti

cu no ta tur hende cu un ingreso halto ta paga impuesto corectamente. E ta enfatisa cu solamente un fraccion di bienes di luho ta ser confisca.

Segun su persona, esaki ta trece dilanti pregunta tocante con efectivo e colector di impuesto ta. "E enfoko mester ta riba atende e deudornan

di impuesto cu tin mas recurso." Sylvania a sugeri cu e recipiente mester haci mas pa colecta debenan di impuesto. El a priminti di manda e reportahe di Soab na e parlamento proximo aña pa mas discusion.

E colector di impuesto Alfonso Trona, ken ta den cabes di e autoridad di impuesto pa añanan largo caba, no por a responde inmediatamente na e minister su declaracionnan. Sinembargo, el a enfatisa cu e colector ta ser audita pa Soab tur aña riba varios aspecto, incluyendo guianan di coleccion y administracion interno.

WINAIR is looking for you!



EXECUTIVE ASSISTANT

Join Winair as an Executive Assistant! We're St. Maarten's successful airline, seeking a dynamic and motivated individual to support our CEO and CFO in administrative and executive tasks. As a key player in our team, you'll manage calendars, contribute to internal communications, and handle travel arrangements, among other responsibilities.

Key Responsibilities:

- Calendar management for the CEO & CFO.
- Proactively assisting with internal communication.
- Organizing meetings, events, and conferences, including minute-taking.
- Coordinating travel for the CEO/CFO and Supervisory Board.
- Providing excellent customer service and overseeing the reception area.

Qualifications:

- Minimum Havo high school diploma or equivalent.
- Three (3) years' experience in a similar position.
- Strong organizational skills and attention to detail.
- Excellent communication skills in English and Dutch.
- Ability to work independently and adapt to changing priorities.
- Reliable, integer, accurate, and discrete.
- Advanced skills in Microsoft Office Suite.
- Must have Dutch Nationality or permanent residence.

We offer an independent, autonomous role with an attractive remuneration package, providing ample opportunities for growth and development within the company.

MANAGER CUSTOMER SERVICE

Join the dynamic team at Winair as the Manager of Customer Service! As the successful airline of St. Maarten, Winair is on a growth trajectory, and we are investing in our employees to create an excellent workplace for ambitious professionals. We're seeking a motivated individual to take on the role of Customer Service Manager (CSM), responsible for leading and guiding our operational customer services teams.

Key Responsibilities:

- Oversee daily operations, including ticket office, check-in, passenger boarding, and administrative duties.
- Analyze customer service requirements through surveys and direct contact with customers.
- Investigate and resolve passenger problems, continually improving service quality.
- Organize, direct, and control personnel activities, initiating corrective actions when necessary.
- Maintain compliance with company policies and regulations, ensuring thorough familiarity.
- Collaborate with other department managers for seamless operations.

Qualifications:

- HBO or equivalent education in a related area.
- Minimum five years of airline and people management experience.
- Assertive, solution-oriented, with strong organizational skills.
- Preference for airline experience, but strong customer service management from the hotel industry is also accepted.

Join us in fostering high standards of passenger services and customer satisfaction. We offer an autonomous role with an attractive remuneration package and room for professional growth.

MANAGER DISPATCH & OPERATIONS CONTROL

Join the success story at Winair! We're the leading airline in St. Maarten, thriving in a dynamic international environment. With a workforce of 180 and exciting growth plans, we're investing in top talent to join us as the Manager of Dispatch and Operations Control.

In this key role, you'll lead the dispatch department. Responsibilities include managing dispatch activities, collaborating with various departments, and implementing strategies for on-time performance and safety. Your role involves handling operational incidents, providing feedback to employees, and fostering a positive team environment.

Qualifications:

- Bachelor's degree or equivalent experience
- FAA Aircraft Dispatch license (a plus)
- 5+ years in airline dispatch operations
- 2+ years of supervisory experience
- Knowledge of dispatch, airport operations, and airline policies
- Strong analytical and organizational skills
- PC proficiency in Microsoft Office
- Ability to work flexible hours, including weekends and holidays

We offer an autonomous role with an attractive remuneration package, providing opportunities for professional growth within our vibrant company.



Apply now and be part of Winair's exciting journey! Interested candidates can apply in writing with a motivation letter, resume, certificates/diplomas, proof of vaccination, passport copy, and residence document if applicable to humanresources@fly-winair.com, the deadline for application submission is February 12, 2024.

Argentina: Corte ta anula reglanan laboral di Milei

(AP) — Un Corte Argentino diamars a anula reglanan laboral proponi pa presidente Javier Milei cu lo hacie mas facil pa retira trahadornan, den un golpi nobo contra e esfuersonan di e lider pa reforma regulacionnan cu e ta bisa a obstaculisa economia di e pais.

E Corte di Apelacion ya a suspende temporalmente e regulacionnan nobo di e presidente na comienso di januari despues di un reto legal presenta pa e principal grupo sindical, e Confederacion General di Labor.

E panel di tres hues a duna veredicto diamars cu e regulacionnan ta inconstitucional, bisando cu gobierno di Milei a bay mas leu cu su autoridad



pa decreta nan, y cu nan mes-ter ricibi sosten di Congreso prome.

Por apela e veredicto mas recien dilanti di Corte Supremo. Administracion di Milei no a bisa inmediatamente si lo hacie.

Na december, Milei a anuncia un decreto cu lo haci varios cambio na leynan laboral, manera aumenta periodo di prueba di tres pa ocho luna, reduci compensacion pa retiro, y permiti retiro di trahadornan cu participa den blokeonan durante protestanan.

Presidente Argentino, kende ta describi su mes como un libertario y anarco-capitalista, a priminti di reduci drasticamente gastonan estatal pa

sostene un deficit den presupuesto di gobierno cu e ta bisa ta impulsando inflacion, cu a cera 2023 na 211%.

Desde su inauguracion dia 10 di december, Milei a devalua e moneda di e pais cu 50%, a reduci subsidionan pa transporte y energia, y a bisa cu su gobierno no ta bay renoba contract pa mas di 5mil empleado estatal contrata prome cu el a asumi su cargo.

E medida y propuestanan a genera protesta na Buenos Aires, capital di Argentina. Siman pasa, e presidente a enfrente un welga general di un dia, organisa pa e sindicato di mas grandi, pero algun oficial di gobierno a minimisa e efectonan di e protesta.

Corte federal ta bolbe suspende pelea di toro na Ciudad de Mexico

(AP) — Un corte federal a emiti un mandato temporal contra coridanan di toro na Ciudad de Mexico ayera, mientras activista y sostenedornan di e practica un biaha mas a enfrente otro den corte.

Pelea di toro apenas a bolbe diadomingo na Plaza Mexico den e capital, cu a tene e prome pelea di toro legal na e ciudad den casi dos aña.

E veredicto aparentemente ta bay forsa pa pospone peleanan programa pa dianan 4-6 di februari; e organisadonan ainda no a anuncia kico nan ta bay haci.

Na mei 2022, un corte local a duna orden pa stop coridanan

di toro, bisando den su veredicto cu e practica ta viola e derecho di e residentenan pa un ambiente saludable liber di violencia.

E caso aki a keda apela den Corte Supremo, cu a retira e prohibicion pa motibonan en gran parti tecnico, pero cu a laga e preguntanan base sin resolve.

Pero e alegria di entusiastanan di pelea di toro a dura apenas algun dia. Sostenedornan di derechonan animal rapidamente a entrega otro reto legal cu a resulta den e veredicto di ayera, cu ta suspende e peleanan te dia 7 di februari. Na e punto aki, ta bay tene otro audiencia pa considera e keho di e activistanan cu e practicanan ta somete e animalnan na cruel-

dad, y ta viola derechonan humano pa ta liber di espectaculonan di crueldad degradante y insensibilidad ambiental.

Gruponan di derechonan animal ta logrando avancen na Mexico den añanan recien, mientras siguidonan di corida di toro a sufri varios obstaculo. Na algun estado manera Sinaloa, Guerrero, Coahuila, Quintana Roo y e ciudad occidental di Guadalajara, medidanan hudicial awo ta limita e actividad.

Ranchero, comerciante y fanaticonan ta insisti cu e prohibicion riba corida di toro ta viola nan derecho y ta pone den riesgo varios miles di trabao vincula cu e actividad, cu



nan ta bisa ta genera como \$400 miyon pa aña na Mexico.

Asociacion Nacional di Criadornan di Toro di Pelea na Mexico ta calcula cu pelea di toro ta responsable pa 80mil

trabao directo y 146mil trabao indirecto. E asociacion a tene evento y tayer den añanan recien pa promove pelea di toro y atrae fanaticonan nobo y hoben.

Peru: Ex-presidente Martin Vizcarra investiga pa red di corrupcion



(DW) – Ex-presidente Peruano Martin Vizcarra ta bao investigacion pa Fiscalia como presunto lider di un organizacion criminal denomina “Los Intocables

de la corrupcion,” debi na funcionnan cu a ser ocupa cu fin ilicito durante su mandato, segun a ser informa oficialmente ayera diaranson.

Equipo Especial Contra Corrupcion de Poder (Eficcop) integra pa fiscalnan y agentenan di Polis Nacional de Peru (PNP), diamars ultimo a detene cinco presunto miembro di e red aki.

E diligencia tabata den man di e fiscal provincial Jose Luis Quispe y a inclui e entrada hudicial di 11 propiedad y e confiscacion di seis bienes na Lima y na e ciudad di Moquegua, na unda Vizcarra a nace.

General y hefe di Estado Mayor di PNP, Oscar Arriola, a confirma cu tres di e detenido tabata funcionario di Ministerio di Transporte y Comunicacion. “Nan tabata pertenece na e presunto organizacion criminal “Los Intocables de la corrupcion,” cu supuestamente tabata lidera pa Vizcarra y por a ehecuta actonan di corrupcion, entre maart 2018 y december 2020, pa ocupa funcionnan cu fin ilicito,” Fiscalia a bisa riba e red social “X.”

Medionan local a informa cu entre e detenedonan ta Carlos Revilla, ex-hefe di Provias Descentralizado (PVD) un organismo di e Ministerio di Transporte y Comunicacion

durante e gobierno di Vizcarra (2018-2020), asina como un exhalto funcionario, dos miembro di comite di destahonan y un empresario.

Canal N di Television a publica e documento cu e declaracion di un colaborado di husticia ken a afirma cu Vizcarra y su casa tin vinculo cu un presunto red di entrega di soborno. E contesta di e ex-gobernante den un declaracion a bisa cu esaki ta “un gañamento” cu ta busca perhudik’e.

Den caso aki, Eficcop ta investiga tres contract cu PDV a otorga durante e gestion di Revilla, pa un momento total superior na 274 miyon soles (71.9 miyon

dollar).

Despues cu e operacion a bira conoci, MTC a rechasa “tur acto di corrupcion” y a dispone di “tur dependencia involucra pa brinda e facilidadnan” na autoridadnan pa reuni e informacion. Despues di e renuncia di Pedro Pablo Kuczynski dia 23 di maart di 2018, su sucesor tabata su vice-presidente Martin Vizcarra.

El a disolve Congreso den loka el a yama un crusada di corrupcion, pero despues di dos aña na poder, e mesun Congreso a kit’e despues di a adelanta dos mocion di censura den su contra, un cu a bira failliet y esun di dos cu a permiti kit’e for di su funcion definitivamente.

Puerto Rico: Pedro Pierluisi ta reconoce discordia den proteccion dilanti violencia di genero

(ElNuevoDia) – Mirando e señalnan nobo ariba presunto fayonan di e sistema hudicial pa proteha e victimanan di violencia di genero, gobernador Pedro Pierluisi a ratifica su yamada na autoevaluacion den e tres ramanan di gobierno, na mesun momento cu el a defende Departamento di Husticia contra critica ariba e trabao di fiscal den caso di e victima mas reciente di feminicidio intimo na e isla, Linnette Morales Vazquez.

“Tur e ramanan di Gobierno di Puerto Rico ta yama na examina nan mes internamente y pa busca e manera di mehora e forma cu nos ta responde na e problematica social aki. Esaki ta inclui e rama legislativo cu por, na cualkier momento, aproba legislacion ariba e tema,” Pierluisi a indica den un encuentro cu prensa na Instituto di Ciencia Forense (ICF).

Aunke el a prefera di no husga e gestion di e fiscal encarga di e caso di Morales Vazquez,



e prome ehecutivo a enfatisa cu secretario di husticia, Domingo Emanuelli Hernandez ta gosa di e confiansa.

“E responsabilidad ta di e hues. E fiscal ta procesa e caso, pero e responsabilidat di e hues. Eynan no tin discrecion. No ta cuestion ni di pidie. Ta cu e mester a, basicamente, revisa e informe di Oficina (Programa) de Servicio con Antelacion al Juicio (PSAJ) y inclui e cadena elec-

tronico den su decision,” el a defende.

Morales Vazquez; su ruman, Luis Miguel Morales Vazquez; y su mama, Lizette Vazquez Velez, a wordo asesina pa Wilfredo Santiago Figueroa den su residencia, diaranson ultimo, na Yauco. Pierluisi a admiti cu e masacre ta yega hopi di cerca di dje, pues e victima tabata ruman di un di su asesornan. “Nos ta papiando di un

compañero di trabao, y e ta un tragedia espantoso. El a perde practicamente henter su famia, menos un ruman,” el a lamenta.

Dia 10 di januari, dos siman prome cu e crimen a sucede, hues Ginny Velez Carrera no a impone supervision electronico na Santiago Figueroa, a pesar di e informe di PSAJ cu tabata recomenda esaki, y a impone un fianza di cinco mil dollar.

“E tabata un persona peligroso, y bisami di un fianza di cinco mil dollar. Esey ta yora dilanti e wowonan di Dios pa un hende manera e persona ey. Di dos, despues di tambe a scucha e testimonio di e victima, e otro fayto tabata no ordena cu pa e tin un cadena electronico,” Pierluisi a bisa, den referencia na e determinacion di e hues Velez Carrera, di e Tribunal di Ponce.

Na diferencia di e presidente di e Senado, Jose Luis Dalmau Santiago, ken a bisa dialuna cu no tin mester un legislacion nobo pa stop e escalacion den e casonan di violencia di genero, e gobernador a opina cu “semper tin espacio pa mehora.”

“Mester check e legislacion cu nos tin. Aworaki nos tin e Ley 89 di 2023, cu pa informacion cu ta yegando cerca mi ta lanta un discordia cu un ley anterior, cu basicamente tabata rekeri pa ordena un cadena electronico, den tur caso den cual cu tin un repeticion,” Pierluisi a indica.

Republica Dominicana: Proyectonan di ley cu ta atenta contra libertad di expresion

(DiarioLibre) - Aunke e Ley 1-24 cu Direccion Nacional di Inteligencia (DNI) ta crea ta e ultimo cu a genera rechazo pa viola e libertad di expresion, otro proyectonan cu a wordo debati den Congreso Nacional tambe a wordo critica pa sociedad civil pa considera cu nan ta limita e libertad di prensa.

Dos di e proyectonan critica a wordo deposita pa Poder Ehecutivo den Congreso Nacional. Den curso di e estudionan, e organizacionnan cu a agrupa e propietarianan di medio- y gremionan di e sector na Republica Dominicana a alerta ariba e peligrosnan cu tabata abarca varios articulo di e propuestanan y a logra detene e aprobacion di e pleanan.

E propuestanan legislativo, manera e proyecto di ley organico cu ta regula e Ehercicio di Derecho na Intimididad, E Honor, E Bon Number y e Imagen Propio; esun di Ciberseguridad y esun di Publicidad Estatal, ta suma



na e ley cu e DNI ta crea y ta forma parti di e iniciativanan cu a wordo studia den comisionnan di Congreso y cu, entre su articulonan, ta integra aspectonan cu por viola expresion liber, consigna den Constitucion Dominicana.

Na mei di 2022, Senado di e Republica a aproba den e segundo lectura un proyecto di ley organico hopi critica cu ta regula e Ehercicio di Derecho na Intimididad, E Honor, E Bon Number y e Imagen Propio. E piesa a wordo pre-

senta pa e senadora Melania Salvador, di Partido Revolucionario Moderno (PRM).

Unabes aproba y manda pa Camara di Diputadonan, e Sociedad Dominicana di Diarionan (SDD) a alerta ariba e violacionnan cu e proyecto tabata contene. Nan a cita por lo menos shete articulo di e pieza, cu tabata inclui propuestanan di accionnan legal contra esnan cu ta insulta “di forma innecesario” cualkier persona a traves di e labor informativo of di opinion.

Solamente un luna despues, na juni di 2022, e Poder Ehecutivo a deposita na e Camara di Diputadonan un proyecto di ley pa regula e ciberseguridad.

E iniciativa tabata busca penalisa e delitonan cibernetico, pero el a inclui un articulo cu tabata propone te cu cuater año di prison y un boet di 500 salario minimo pa esnan cu difundi material audiovisual cu ta wordo considera discriminatorio a traves di rednan social y medianan di

comunicacion. E proyecto a wordo rechasa pa falta di informe.

E ultimo propuesta ataca pa viola e libertad di expresion ta e ley nobo Ley 1-24 cu DNI ta crea. Di tur e piesanan cita, esaki ta e unico cu a bira ley despues di un aprobacion abrumador den ambos Camara di Congreso, unda legisladornan di tur e partidonan a registra nan voto di e normativa.

E ley ta obliga e ciudadanonan pa entrega cualkier informacion sin e orden di un hues.

Den indice mas reciente di Cahpultec, cu e Sociedad Interamericana di Prensa (SIP) ta publica den su encuentro anual, na november di 2023, pa prome biaha Republica Dominicana a lidera esun cu ta midi e desaroyo di e libertadnan na America, entre nan e libertad di expresion y prensa pleno. Republica Dominicana a lidera e lista cu 81.08 punto.

70 Alegria y Fantasia 70 Alegria y Fantasia

Carl "Galloway Jr." Roosevelt, Anthoni "Black Diamond" Gario dfm y Jair "Casper" Dijkhoff a haya nan luga riba e Muraya di Fama



Diasabra ultimo durante e Power Soca Festival na Aruba Entertainment and Carnival Village a tuma luga e desvelo di Aruba su Reynan Caiso y Soca pa aña 2020 y 2023.

Minister di Cultura Xiomara Maduro a hiba un discurso y a recorda cu na aña 2019 a inaugura e Muraya di Fama, riba cual ta eterna e nombrenan di e

Reynan, e titulo di e cancion ganador y e aña den cual e cancion a sali ganador di e Festivalnan di Rey di Caiso y Soca. Despues Aruba y mundo henter a wordo sorprende cu e pandemia na aña 2020 y pa e siguiente añanan di 2021 y 2022, consecuentemente Aruba no por organisa e Festivalnan di Caiso y Soca Monarch. E mandatario a splica cu pa e motibo aki nos tur ta presente pa for-

ma parti di e acto pa desvela e number di e Reynan di e Festivalnan di Caiso y Soca na aña 2020 y 2023.

E bunita y emocional ceremonia acompaña pa tononan di brassband, explosion di confetti y show di "cold fire" a desvela e plakkaat di e siguiente artistanan: Rey di Caiso 2020, Sr. Carl "Galloway Jr." Roosevelt, cu su cancion ganador 'A true role model'. Galloway

Jr. no por tabata presente y a wordo representa pa Mitch Almary.

Rey di Soca 2020, Sr. Anthoni "Black Diamond" Gario, den feliz memoria, cu su cancion 'Cucu Soup', kende su yiunan Ashrock Gario tabata presente.

Rey di Caiso 2023, Sr. Carl "Galloway Jr." Roosevelt, cu e cancion "Never give up".

Rey di Soca 2023, Sr. Jair "Casper" Dijkhoff, cu su cancion 'Feeling Good feeling nice'.

E artistanan a expresa nan gradicimento y ta un honor pa forma parti di e Muraya di Fama. Representante di Stichting Musica, Sra. Edwina Werleman tambe a hiba palabra a gradici pa e acto y a felicita nos monarcnan.

Keke CARNAVAL 70 Department Store Cura Cabai

Tin bunita articulo pa e temporada di Carnaval tanto pa bo bisti y wak Carnaval of si bo participa den Carnaval.

Nos tin surtido di shorts, keds, sapato, accesorios, jeans, blusa, pechi, sombre y hopi mas articulo bunita pa e temporada.

CARNAVAL 70 Island Asia Store
Av. Milio Croes #122 | T. 583-8888 | (front of Price Smart)

Tin un surtido special pa Carnaval 70.

Nos tin jug di diferente tamaño Blaas, accesorio, bril di solo, keds, sandal, mea, sapato, sweater y T-shirt. Articulo pa bo fantasia di Carnaval y prijs pa tur cartera!

"Giselle" Department Store
Giselle ta cla pa fiesta di Carnaval 70

Pa mucha: Short, blusa, jumper, set di short, badpak, keds y sandalia.

Pa dama: Short di tela y di jeans, top cu spaghetti strap den tur color. Blusa, jeans largo, capri, sandalia, keds y hopi mas.

Pa cabayero: Varios color di Bermuda, jeans, T-shirt, tank-top, keds y varios articulo mas.

Nos tin entre otro: Boa den varios color y prijs, hopi model di peluca den varios color largo y cortico. Mascara den varios model, cu luz y cu pluma, cadena di MardiGras den tur color pa mucha y hende grandi. Wimpers y lijim.

Armband y renchi dede y pa oreja di luz Panty hose di net den diferente color. Mea te na rudia multicolor. Sticker di stench pa cara y den diferente color.

Corona grandi y chikito di Rhinestone y color di oro. Fasinator den hopi color y cu luz. Hopi estilo di disfras pa mucha y hende grandi.

Nos ta warda bo pa duna bo e mesun bon servicio manera semper cu Giselle ta conoci pe.

Tel. 586-7104 • Noord 55-A

70 AÑA ISLA DI CARNAVAL

Nos tey pa yuda bo cubri tur gastonan di Carnaval, Gosa y disfruta di e temporada aki.

De La Sallestraat | 583-4843
J.G. Emanstraat | 523-4848
Rockefellerstraat | 583-5556
Tanki-Flip, Shaba | 583-4800

island finance



70 AÑA

Ta celebra Carnaval 70 cu bunita articulonon manera peluca, extension pa bo cabey, maquillaje di diferente marca manera e famoso Black Opal, Milani, Palladio, L'Oreal, Maybelline y mucho mas!

Tambe nos tin pintura di huña den diferente color, crema pa proteha pa solo, y hopi cos mas pa ofrece bo. Ta bo mes mester pasa pa bo wak y scoge na bo gusto!

Lucky Cosmetics ARUBA
L.G. Smith Boulevard 124

SETAR N.V.
Celebrando **70 AÑA** di nos dushi **Carnaval**

Aruba su Carnaval si ta Dushi...

Bishita un di nos seis teleshopnan pa cualkier servicio
Tel. 525-1000 | customer@setar.aw | www.setar.aw

Carnaval 70 SUPER SHOPPING
OOSTSTRAAT 6

Ta celebra Carnaval 70 mas hunto cu bo: Nos tin stenchinan cu luz Luz pa bo curpa Copi cu luz Spada y bañdo cu luz Nos tin tur cos cu bo mester pa Carnaval: te hasta short, keds, T-shirt, jeans y hopi articulo mas!

BIG DEPARTMENT STORE

Ta invita bo bin wak y escohe e outfit cu bo ta desea di bisti pa e temporada di **CARNAVAL 70**

Tin jeans tur color y size y bunita style, keds cu bo por combina. Variacion di shorts y topnan, mea den diferente color, tas chikito cu ta ideal pa e temporada. Eyeshadow y hopi accesorios.

Tambe nos tin diferente outfit pa mucha, teens y hende grandi.

Sinti bo great bisti den Carnaval 70.

Hendrikstraat 8, O'Stad - Tanki Leendert-E

Opinion ta un seccion di **Bon Dia Aruba** specialmente pa brinda oportunidad na lectornan individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Gregorio Wolff

Aruba, kico ta pasando?

Aruba un isla chikitu pero cu tanto problema. Awe mi kier trata un combinacion di asuntonan cualnan ta di suma importancia ya cu ta trata, uno, parti di e infraestructura turistico y e otro ta e campo laboral y social cu su hopi problemanan. Un infraestructura turistico cu desaroyonan peligroso, pero cu ganashinan barbaro den e sector aki di Turismo, cual ta e actividad economico mayor na Aruba.

Pues un contradiccion grandi.

Si nos por, nos ta hinca e problemanan den un pool. Igualmente e actividad economico comanda pa empresarionan cu ganashinan barbaro, den un otro pool. Ta tarea awor pa nos y mundo politico busca un balansa entre e dos poolnan aki. Awe, e balansa ta cay na favor di e grupo cu e ganashinan, pero nos mester busca un solucion balansa. Trece e balansa ta muestra facil pa soluciona pero e practica o manera cos ta pinta, dificil. Pakico? Paso-bra gobernacion tin su tantisimo problemanan!!

Prome, nos ta nota cu mayoria di gobernantenan durante Status Aparte ta wak solamente den direccion di empresarionan y e trahador ta keda benta pa su cuenta.

Di dos, nos gobierno/estado cu su debenan grandisimo, di cual e pago di interes mes ta altisimo y aserca ta bini e amortizacion=pagamento bek di e debenan.

Otro agravante, situacion fastioso o situacion grave negativamente di gobernacion ta, cu nos tin cu deal cu un mundo politico, di cual sinceramente un parti grandi tanto den esnan cu ta apoyando Gobierno como den oposicion no ta prepara pa nan funcion.

Pero final di cuenta, pueblo tin cu deal cu nan, pesey prome ban analisa e problemanan, e situacion actual bon, pa asina nos ta yega na un situacion balansa cu sui-

gerencianan/conclusionnan.

Prome ta bon pa analisa e mercado laboral y nos obligacionnan.

Mercado Laboral Aruba, januari 2024 na Werki.

Mercado laboral ta na werki. Manera e situacion ta na hopi parti di mundo, na Aruba tambe e problema di emigrantenan ta grandisimo. Hopi ilegal ta yega den boto, otroonan ta yega cu visum o sin visum y nan ta keda, otroonan ta bini di China, otroonan contrata pa comerciantenan Hindu. E desaroyo aki ta contra loke nos na Aruba a construi, un sociedad cu reglanan y obligacionnan, unda nos tur ta paga cu nos parti na e infraestructura social y general cu nos tin, esta:

Pa esnan cu no por traha tin e Onderstand y ademas varios otro areglonan social;

Pensioen di biehez di cual pa tur hende cu un areglo basico na SVB y ariba esey un areglo secundario y si por un tercero;

Seguro medico cu trato igual pa tur hende sin distincion di rasa y standaard di bida;

Un infraestructura cu awa, corriente, telecomunicacion, careteranan, etc., pagabel y acceptabel, pues basta bon; Bon educacion cu su skolnan adecua y bon.

Tur e areglonan social ta costa placa y nos tur cu ta traha y tambe pensioenadonan, hunto cu empresarionan mester contribui di un forma o otro, pa asina e fondonan social tin un base economico y financiero.

E emigrante legal cu ta trahando tambe tin e obligacion pa contribui y despues goza di e derechonan di e areglonan. No tin debido control ariba e Sector di Construcion y establecimentonan pa turistanan.

Den e sector di construcion, sigur den e region di Noord, construcionnan ta creciendo rapidamente y barbaramente. Stranhero cu placa ta cump-rando tur cos, nan ta pusha

e 4 gruponan ilegal prome menciona, aserca hopi legalnan y Arubianonan trahando ZWART cu trabaonan di construcion pa e stranheronan aki: Mericanonan, Canadiensenan, Macambanan Europeo, Venezolanonan amigonan di Guaido cu placa horta di Citgo y otro companianan di Petroli, stranheronan cu placa di droga. E Arubiano y e legal cu salario mas halto cu e ilegal, pero hopi biaha na final di cuenta cu un salario netto menos ta haye obliga pa bay traha ZWART.

Den e mercado laboral aki no tin ningun espacio pa sindicalismo. Bo ta sinti cu Gobierno, mas bien e Ministronan di Economia y di Labor, a bandona nan parti di trabao den e sector aki, nan maneho ta: "laat de boel maar waaien". Pero esaki no por sigui!!

E doñonan di e construcionnan ta birando ricu hundiendo nos pais pa ta menos autonomo, esta contra e ideal di Status Aparte. Rikesanan grandi ta ser crea pa capitalistanan cualnan no ta di Aruba y kendenan nan bista ta ariba e producto Aruba den e Industria di Turismo.

Esaki na su turno, nan sa, cu den futuro sercano y mas aya, e construcionnan aki construi cu mano di obra barata ta bay crea pa nan, mashar hopi rikesa. Pensando bon nos ta wak aki un desaroyo contra e idealnan di Status Aparte ya cu poco a poco nos no ta baas mas den nos mesun cas. Ningun tereno no ta keda mas den e region di Noord, awe pa nos jobennan y den futuro pa nos jiunan y nietonan por traha nan propio cas.

E proceso aki di e construcionnan pa loco di e ultimo añanan ta causando problemanan:

Prome cu tur cos, ta contra e idealnan di Status Aparte y ta haci nos mas dependiente di esnan cu placa, kendenan, nan metanan ta pa gana mas tanto placa posibel cu inversionnan abao, haciendo uzo di e producto Aruba. Placa cu nos ta ricibi y entrega na ATA, primordialmente pa promove Aruba. Mayoria di biaha e inversionistanan, ni na Aruba nan ta biba. Pues nos ta birando mas dependiente di stranheria y kendenan ta haci uzo di nos producto, esaki ta cabando cu nos autonomia, tur dor di e falta di maneho politico.

Nos infra-estructura social basico cu su fondonan social no ta ricibi e aporte financiero y poco a poco gobierno ta restructurando e fondonan aki dor di hisa e contribucion di trahadornan y tambe adapta edad, bay ariba, pa bay cu pensioen. Den AZV ya hopi remedinan a ser eliminan di e lista positivo di remedinan cu AZV ta cubri y awor ta nos mes mester paga pa nan.

Sindicalismo cu ta den su pio situacion, ta keda ricibi sla tras di sla, cu e maneho di e desoroyo negativo aki den construcionnan y tambe na hotelnan.

Nos infraestructura fisico no ta cla pa mas hotel y establecimentonan pa turistanan hospedia, esaki por hiba nos den un abismo ya cu e infraestructura basico no ta di confia. Prome punto mi ta menciona ta e planta di purifica-

cion di awa di riool cu ya ta outdated=bieu y no tin e capacidad pa trata tur e awanan di riool na un forma correcto. Na Barbados tabatin e caso cu e planta pa purifica awa di riool a causa problema y hasta a ser bisa cu e problema a explota den cara di politiconan.

Na Aruba ta menciona cu poco tempo pasa e Ministro di e departamento di medio ambiente mester a duna autorizacion pa laga awa drenta lama. No a papia di e calidad di e awa aki, pero pa ministro dicide ta muestra cu tin algo cu no ta correcto. Mester bin mas pronto posibel un solucion duradero pa e planta pa Recicla awa di riool. Nos a tende cu placa di presupuesto ta ser cambia pa otro destinacion, tambe cu ta Utility NV ta encarga cune awor. Pero mester di inversionnan grandi.

Por ultimo nos ta tende un gobernante Ministro Arends, hopi bruha, kende ta admiti di no ta e ministro encarga cu RWZI, pero den forma insegur ta haciendo propaganda politico partidario y ta trece un posicion bruha, bisando cu ta bay privatisa otro luna e planta pa trata e awa di riool. Segun e, lo bini un impuesto nobo cu e mas di un miyon turista pa aña ta bay paga, como 40 miyon florin pa e proyecto di Privatisacion. Pero si ta Utility NV ta encarga cu e proyecto, anto e proceso ta un Verzelfstanding di RWZI, esta un independisacion di e departamento. Gobierno mester aclaria e asunto aki y no laga un persona cu no ta comprende e proceso, bruha pueblo.



Accidente pa falta di preferencia na crusada Vuylstekestraat cu Pastoor Hendrikstraat

Dialuna mainta a drenta informe di un accidente na e crusada Vuylstekestraat cu Pastoor Hendrikstraat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente pa falta di preferencia unda un KIA RIO biniendo di Vuylstekestraat no a para pa duna preferencia na un Ford Explorer cu tabata riba caminda di preferencia y a bay dal riba e Ford Explorer cu tabata riba e caminda di preferencia bayendo pariba.



Chauffeur a perde control y dal den banda lagando auto sin nummerplaat atras



Dialuna mainta a drenta informe di un accidente panort di e rotonde Cumaná, mesora a dirigi un patruya na e sitio.

Na yegada di e patruya a bin haya un Nissan Sentra blauw cu a perde control dal na e muraya te cu e no por a sigui core y a baha ranca e plachi number y a bandona e sitio lagando e auto atras. E patruya a confisca e auto pa mas investigacion.

Chauffeur sin rijbewijs involucra den accidente na Sabana Liber

Diabierna mainta a drenta informe di un accidente na Sabana Liber, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Honda Fit no a regula su velocidad ni a mantene distancia a bay dal tras di e Mitsubishi Lancer. Afortunadamente ningun hende a resulta herida. Un di e chauffeurnan no por a muestra rijbewijs.



Chauffeur sin rijbewijs no a mira su dilanti y a dal tras di taxi



Dialuna mainta a drenta informe di un accidente dilanti La Salle College, mesora a dirigi un patruya

na e sitio.

Na yegada di e patruya a bin compronde cu un dama

chauffeur sin rijbewijs coriendo un Kia Sportage binendo for di Caya Gilberto Toppenberg a haya chens pa

drenta De La Sallestraat pero no a mira e taxi su dilanti y a bay dal tras di e taxi. Afortunadamente ningun hende a

resulta herida.

Elon Musk ta bisa cu e prome humano a ricibi implante di Neuralink, pero no tin mucho otro detaye

(AP)—Segun Elon Musk, e prome humano a ricibi un implantacion for di su compania Neuralink durante e weekend cu a pasa. Den un publicacion di-aluna riba X, Musk a bisa cu e pashent a ricibi e implantacion e dia anterior y cu e tabata “recuperando bon.” El a agrega cu “resultadonan inicial ta muestra deteccion di un ‘neuron spike’ positivo.”

E biyonario, ken ta co-fundador di Neuralink, no a provee mas detaye tocante e pashent. Ora Neuralink a anuncia na september cu e lo cuminsa recluta hende, e compania a bisa cu e tabata buscando pa individualnan cu cuadriplegia debi na herida na medula espinal of “amyotrophic lateral sclerosis”, conoci como ALS of Lou Gehrig’s Disease.

Neuralink ta un di e gruponan trahando riba conectando e sistema di nervio na computer, esfuersonan diseña pa

yuda trata desordennan cerebral, recupera di heridan cerebral y otro aplicacion. Tin mas cu 40 prueba di e “brain computer interface”, segun clinicaltrials.gov.

Neuralink a anuncia previamente cu e U.S. Food and Drug Administration (FDA) a aproba su “exempcion di aparato investigador”, cual en general ta permiti un sponsor di cuminsa un estudio clinico “den pashentnan cu ta cumpli cu e criteria di inclusion,” manera e FDA a bisa diamars. E agencia a subraya cu e no por confirma of publica informacion tocante un estudio.

E aparato di Neuralink ta aproximadamente e tamaño di un moneda grandi y a ser diseña pa ser implanta den e craneo, cu wayanan bayendo directamente den e cerebro. Den su anuncio di september, Neuralink a bisa cu wayanan lo ser poni den un region di e cerebro cu ta controla inten-

cion di movimiento. E meta inicial di e brain computer interface ta pa duna hende e habilidad pa controla un computer of keyboard uzando nan pensamiento.

Den un otro publicacion di-aluna riba X, Musk a bisa cu e prome producto di Neuralink ta yama “Telepathy”—cual, el a bisa, lo permiti usuarionan controla nan telefon of computer “por medio di pensamiento so.” El a agrega cu usuarionan inicial lo ta esnan cu a perde uzo di nan ledematen.

No ta claro con bon e aparato of interfacenan similar lo traha ultimamente, of con safe nan por ta. Pruebanan clinico ta diseña pa colecta data riba seguridad y efectividad. Laura Cabrera, ken ta investigacion ciencia cerebral na Pennsylvania State University, a bisa cu a pesar cu Neuralink ta uza un procedura innovativo—operacion robotico—pa pone e aparato




den e cerebro, ningun hende a yega di implanta esaki den hende y no tin hopi conocimiento tocante esaki ainda.

Operacion cerebral “no ta algo trivial,” el a bisa, subrayando e posibel riesgonan significante manera hemorragia cerebral of convulsion. “Pues mi ta pensa cu nos mester ta consciente cu a pesar cu nan ta uzando un metodo innovativo pa implanta e aparato, nos no sa si esaki ta bay ta... un metodo safe pa pashent-

nan humano.” El a enfatisa cu e competidonan di Neuralink ta plania di uza nan aparato pa aplicacionnan medico so, pero Musk a expresa explicitamente pa bay mas leu cu medicina. Por ehempel, Musk a papia tocante implantacion pa tur hende cu lo permiti hende pa graba tur cos y haya acceso na informacion ora nan kier—cual ta causa preocupacion pa algun hende.

Insectonan ta sinti atraccion pa luz?

Estudionan nobo ta muestra cu e sentimento ta confusion y no atraccion fatal



(AP) - Manera un mot cu ta atraí na un candela, hopi científiconan y poetanan cu semper a asumi cu insectonan simplemente ta atraí na luznan briyante. Sinembargo segun un estudio nobo, esaki no ta loke ta sosode ni e sentimento.

Na luga di atraccion, investigadornan ta kere cu e luznan artificial anochi posiblemente ta confundi e insectonan su sistema di nabegacion, causando cu nan ta keda bula rond di e palo di luz, lampi of otro luznan artificial. “Insectonan tin un problema di nabegacion,” Tyson Hedrick, un biologo na University of North Carolina y no tabata forma parti di e estudio a comenta. “Nan ta custuma di usa luz como un pista di unda ariba ta.”

Insectonan no ta bula directamente den direccion di e fuente di luz, sino nan ta “punta nan lomba den directo di e luz,” Sam Fabian, entomologo y co-autor di e estudio publica a splica. Esaki lo tin sentido si e fuente mas



fuerte di luz ta den shelo. Sinembargo, den presencia di e luznan artificial, e resultado ta confusion den aire y no atraccion.


Pa e estudio, investigadornan a pega sensornan chikito na motnan y libel den un laboratorio pa captura video di nan ora nan ta bula, similar na e manera cu creadornan di pelicula ta pega sensor na actornan pa monitor y graba nan movecionnan. Tambe nan a usa camaranan di resolucion halto pa graba e insectonan rond di luznan den un sitio na Costa Rica.

Esaki a permiti nan por studia den detaye con e insectonan ta keda bula sin fin rond di fuentenan di luz, posi-

cionnando nan mes cu nan lomba contra e direccion di unda e luz ta bin. Tambe nan a documenta cu algun insecto ta bira boa abao, y hopi biaha cay, den presencia di luznan cu ta briya bay ariba manera luznan di buskeda. E vuelo di e insecto tabata menos stroba pa luznan cu ta briya bay abao, segun e resultadonan di e investigadornan.

“Pa miyones di año, insectonan ta orienta nan mes pa medio di sinti cu e shelo ta cla y e vloer ta scur,” te ora cu hende a inventa luznan artificial, Avalon Owens, ken ta entomologo di Harvard y no tabata involucra den e estudio aki a comenta tocante e insectonan.

Formula Uno ta rechasa oferta di Michael Andretti pa participa den serie



(AP)—Formula Uno a rechasa e aplicacion di Global di Andretti pa participa den serienan di careda global na 2025 of 2026 pero a bisa ayera cu e ta dispuesto pa reconsidera e asunto na 2028 ora General Motors tin un motor cla pa competencia.

F1 den su decision a bisa cu e no ta kere cu Andretti lo ta un ekipo competitivo, cu e

number Andretti no ta trece balor na e serienan cu Michael Andretti a kere, y cu pa participa den e proximo dos añanan lo ta un reto cu Andretti nunca a enfrenta.

“Nos no ta kere cu tin un base pa cualkier aplicante nobo ser admiti na 2025 mirando cu esaki lo envolve un participante nobato construyendo dos diferente auto den su prome dos añanan di existencia,” F1 a bisa. “E hecho

cu e aplicante ta propone pa haci esaki ta duna nos motibo pa cuestiona nan comprendemento di e scala di e reto involvi.

General Motors bao di su marca Cadillac a firma pa partner cu e empuhe di Michael Andretti pa participa den e serienan di careda mas renombra na mundo—un oferta cu a ricibi hopi resistencia for di e mayoria di e 10 ekipo existente y liderazgo di F1.

Pero e proceso a bira mas complica ora GM a bisa na november cu el a registra cu e curpa gobernante di F1 pa bira un suministrado di motor cuminsando na 2028. Esey a pone presion riba F1 pasobra e lo hopi dificil pa rechasa un di e fabricante di auto mas grandi na mundo, particularmente un compania Mericano durante un tempo cu e serienan a haya hopi atencion na Merca.

Merca a anfitriona tres careda e ultimo temporada, mas



compara cu otro pais, y varios compania Mericano, entre otro American Express, Visa, Oracle, Meta y MoneyGram, a firma como sponsor di ekipo durante e ultimo tres temporada.

Michael Andretti no a responde pa duna comentario. Su tata, Mario, ta e campeon mundial di F1 di 1978, y Michael mes a core 13 careda den un solo temporada depreciona na 1993.

F1 ta solamente interesa pa permiti Andretti participa ora General Motors tin un motor construi pa competencia. Si Andretti a ricibi aprobacion pa un ekipo nobo, e lo mester a uza un motor di un otro fabricante te cu 2028. F1 a bisa cu e no a consulta cu e 10 ekipo existente pa yega na su decision. Pero, e serie a bisa cu expansion lo pone presion riba hopi di e proceduranan operacion cu ta existi caba.

Futbolista Spaño acusa di mishi un mascot inadecuadamente prome cu wega



(AP)—Futbolista Spaño, Hugo Mallo, lo bay corte despues di ser acusa di mishi un mascot inadecuadamente prome cu un wega na aña 2019, segun oficialnan di corte a bisa ayera.

Mallo, ken a nenga esaki, tabata cu Celta Vigo ora e supuesto incidente a tuma luga prome cu un wega di liga Spaño contra Espanyol. E atleta di 32 aña actualmente ta hungando pa club Brasileiro, Internacional.

Fiscal- y acusado ta buscando pa pago di multa si Mallo ser haya culpabel. Nan a bisa cu Mallo a mishi cu e pechonan di e dama cu tabata bistiendo un disfraz di prikichi di e ekipo Espanyol mientras cu hungadonan a forma un rij pa saluda otro prome cu wega cuminsa.

Inicialmente, e caso a ser descarta pero e decision ey a ser cambia riba apelacion. Mallo a publica un declaracion riba Instagram yamando pa “respect,” notando e descartamento di e caso, y subraya cu ni Celta ni Espanyol a haya evidencia di malcomportamento.

Segun The Sports Daily, cual a reporta cu Mallo lo bay

corte, a bisa cu e hungado a conta e corte cu e imagennan riba television di e incidente ta musta cu e nos a haci nada malo. E corte a bisa cu e imagennan tabata suficiente pa habri un huicio, cual ta anticipa di tuma luga na juli.

E network di radio local, COPE, a bisa cu el a papia cu Mallo y el a bisa cu e tabata sigur di un absolucion basa riba e imagennan. El a bisa cu tabata totalmente enfoca riba e wega, cu Celta den un bataya di relegacion.

Mallo, ken tabata e capitani di Celta, a bisa den su declaracion ayera cu ambos banda a apela e descartacion. E defensa Spaño a bisa cu e tabata kier e huicio pa exoner’e completamente—no pa simplemente bisa cu no tin suficiente evidencia contra dje. Mallo a bisa cu a habri e caso atrobe pa resolve discrepancianan. El a reitera cu e lo testifica como un partido inocente.

El a nota cu ni e liga Spaño, ni e federacion Spaño a habri procedemento disciplinario contra dje. Internacional a contra media Brasileiro cu e ta completamente sigur cu e hungado ta inocente y ta anticipa pa e caso ser descarta atrobe.



Benoît Kounkoud sospecha di intento di violacion na Paris

(AP) - Hungador di Handball Benoît Kounkoud, ken tabata forma parti di e ekipo di Francia cu a gana e campeonato Europeo siman pasa, tabata den custodia di Polis diaranson despues cu a acusa su persona cu el a intenta viola un muhe segun fiscal di Paris a reporta.

Kounkoud, ken tin 26 aña di edad, a ser aresta diamars trempan na Paris despues cu

un muhe a acusa e hungador di a purba viola su persona durante un fiesta na un club nocturno, unda tabatin hopi alcohol, e fiscal a informa den un declaracion.

Despues di a logra e victoria contra Dinamarca den e final di e campeonato Europeo riba diadomingo na Cologne, Alemania, e ekipo di Francia a bolbe back cas dialuna y a ser ricibi pa e President Emanuel Macron na Elysee Palace.

Francia ta un di e faboritonan den handball na e Olimpiada cu o tuma luga zomer aki, ora cu e pais anfitrión ta spera di ta e top 5 di e mesadi medaya.

Kounkoud ta hunga pa e club Polaco Kielce, anteriormente hungando cu Paris Saint-Germain. E federacion di handball Frances a bisa cu no lo duna comentario tocante e acusacion pero cu nan ta determina di lucha contra cualkier y tur forma di violencia.

Hungado di Timberwolves, Anthony Edwards ta ricibi boet di 40,000 dollar for di NBA pa critica oficialnan

(AP) - Minnesota Timberwolves su guardia Anthony Edwards a ricibi un boet di 40,000 dollar for di National Basketball Association pa publicamente critica e oficialnan y nan manera di arbitra e weganan den varios ocasion.

E boet aki a ser imponi diaranson como un respuesta na comentarionan cu Edwards a haci despues cu e ekipo a logra un victoria di 107 pa 101 contra Oklahoma City Thunder den un wega cu a tuma luga entre ambos ekipo dialuna, cu ta forma parti di Western Conference

su ekiponan top.

“Mi ta bay acepta e boet aki pa motibo cu e refereeenan no a duna nos ‘no-call’ awe nochi,” Edwards a comenta den un entrevista cu Bally Sports North riba cancha despues di e wega. “Nos mester a hunga apesar di tur golpi, tur gara. Mi no sa. Mi no sa con nos a logra haya e victoria awe nochi.”

Apesar di a ricibi un boet a causa di criticanan cu el a lansa, Edwards a procede na critica con ta mancha y arbitra e weganan un biaha mas na e reporteronan cu tabata presente.



Paris ta baha cantidad di audiencia pa apertura di Olimpiada na 300,000

(AP) - Minister di Interior Frances Gerald Darmanin a bisa diaranson cu mas o menos 300,000 persona lo por atende e ceremonia di apertura pa e Olimpiada na Paris, mas o menos mita e tamaño di loke a plania anteriormente.

E show gigante na River Seine dia 26 di juli lo marca e prome biaha cu e ceremonia ta ser organisa fuera di un stadion. Tambe e lo tin un operacion di siguridad masivo, cu miles di oficial di polis y soldaat despacha. E atletanan lo haci un parada via e curason di e capital Frances den boto riba e riu Seine cu ambos banda di e riu yena cu e audiencia tras di varios baricada di siguridad. Papiando riba television Frances France 2, Darmanin a bisa cu

plannan actual lo permiti pa 100,000 espectador paga pa un bista banda di awa y 220,000 persona cu ticket gratis na e partinan mas ariba di e riu.

Organisadornan originalmente a calcula un cantidad di mas o menos 600,000 persona lo por atende y mira e ceremonia pero Darmanin no a duna un motibo dicon nan a reahusta e figuranan aki.

Den december, e president Frances Emmanuel Macron a bisa cu e ceremonia lo por ser movi pa motibonan di siguridad si Francia haya otro golpi di atakanan extremista. El a cita atakanan extremista mortal cu a golpia Paris den aña 2015 como un ehempel di e tipo di crisis cu lo por forza un reahuste.



Departamento di Asunto Social—Seccion di bijstand ta informa lo siguiente

Cambio den e pago di bijstand pa districto di San Nicolas

En conexion cu parada di Carnaval "Jouvert Morning" cu lo tuma lugar dia 3 di februari 2024, lo tin cambio den e pago di bijstand unicamente pa districto di San Nicolas. Pago di bijstand pa districto San Nicolas lo tuma lugar diabierna dia 2 di februari 2024 di 8or di mainta pa 12or di merdia.



E cambio aki ta solamente pa e pago di bijstand pa luna di februari 2024 pa districto di San Nicolas. Tur otro districto e pago di bijstand ta tuma lugar dia 3 di februari 2024.

Pa mas informacion por yama/Whatsapp/mail libremente na DAS:
- Whatsapp: 593-3118 (No por yama solamente Whatsapp)
- Via mail: bijstand@dsz.gov.aw
- Telefon: 528-1100/528-1110

Resultado Sorteo <i>31 januari 2024</i>	
--	--

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
0386	2987	0562	7677
2373	8379	SUPER5	1504
0324	4464	-	1002

MERDIA	ANOCHI	
Sorteo # 4168	Sorteo # 8159	Sorteo # 2463
5575	0341	Joker 16 Letter I
7753	2041	0 x Jackpot
8782	1449	0 x Match 4+
		6 x Match 4
X3	X2	176 x Af. 12,00
Sorteo # 4168	Sorteo # 7203	Sorteo # 6374
4596	3594	0 x Jackpot
		10 x Match 4
Sorteo # 2223	Sorteo # 1908	243 x Af. 8,00
7548	2717	340.000,-
		04-10-15-19-29
Sorteo # 4168	Sorteo # 5962	Sorteo #
3249	5956	0 x Jackpot
Leo	Aries	0 x match 4
		0 x Af. 500,00
Sorteo # 1042	Sorteo # 892	0 x Af. 50,00
602	496	0 x Af. 15,00
		420.000,-
X2	FP	Afl. 580.000,-
		Sorteo #

Diasabra 3 di februari 2024 pa 7or di mainta tin Santa Misa na Kapel di Alto Vista



Prome cu solo sali y prome cu Santo Sacrificio di Misa ta cuminsa resa Santo Rosario pa 6.15 "Misterio Gososo", despues ta sigi cu Salve Regina. Ta invita henter e pueblo, devoto y fielnan pa asisti na Santa Rosario prome cu Santo Misa. Mama Maria sigur ta intercede pa nos na nos Tata Celestial. Diabierna ta fiesta di Candelaria. Hopi parokia ta bendiciona bela dia di Santo Candelaria.

Papa Francisco ta haci un suplica na mundo pa resa e Santo Rosario, nos ta den un

tempo turbulento, den crisis grandi. Ban haci un curashi diasabra mainta trempan pa ofrece nos ora valioso pa pidi misericordia y asisti na Santa Misa y resa pa tur esnan cu ta leu di Dios. Laga nos ta resa pa necesidad di Iglesia Universal, pa Papa Francisco, Obispo Luis Secco, tur sacerdote, Diacono y laiconan cu ta hiba e bon noticia pa e pueblo di Dios. Pa tur cu ta carga responsabilidad pa e pueblonan di Dios. Pa enfermonan corporal y spiritual. Hopi enfermo den exterior cu a bay busca nan salud. Cu pronto lo regresa na Aruba y gosa di un bon salud.

UNOCA ta informa cambio di orario pa publico



Union di Organizacionnan Cultural Arubano (UNOCA) kier a informa comunidad di Aruba cu lo tin algun cambio den e estructura di orario di oficina na Stadionweg 21.

Entrante 1 di februari 2024, oficina di UNOCA lo ta habri pa publico di dialuna pa diahuebs for di 9 am te cu 4 pm. Diabierna oficina di

UNOCA lo ta cera pa publico, pa haci trabounan interno pa un tempo indefini.

E cambio aki ta pa nos brinda un miho servicio na comunidad di Aruba.

Nos ta spera di por a informa comunidad di Aruba debidamente y nos ta conta cu bo(so) comprension.

King Classic Sudoku

			5	2		8	4
		6				5	
		4		8			7
		5				9	
	4	2		5	1		
	1		4	9			2
						8	
	6	8			7		3
	2			8		1	9

Difficulty: ★★★

2/1



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle San Nicolas
Tel. 587 9011 Tel. 584 5712

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

E color blauw di Aruba ta e protagonista pa e competencia di fotografia di SMFA

Stichting Monumentenfonds Aruba (SMFA) ta organisa tur luna un competencia di fotografia cu un tema nobo. Pa luna di januari, den cuadro di e celebracion di dia di Betico a scoge pa e color blauw. E famoso color blauw di Aruba su bunita shelo, lama ta un sensacion global. Y nos por encontra blauw tambe den Aruba su herencia cultural. Pa e luna di januari nos ta challenge e publico pa captura e esencia di e color blauw di Aruba su herencia y tradicionnan den su diferente tono.

Con pa participa?
Post un fotograf riba bo Instagram account.
Uza e siguiente hashtag: #langlevheterfgoed blauw #langlevherterfgoed #bibanosherencia Menciona @langlevheterfgoed y @monumentsfundaruba den bo post.
Ultimo dia pa participa ta 31 di januari 2024.

Algun tips:
-E tema principal ta herencia di Aruba y color blauw.
-Laga bo fotograf resalta cu un color di contraste manera



por ehempel oraño.
-Probecha e actividadnan di celebracion di Dia di Betico pa busca e blauw di Aruba.
-Busca algo blauw pa resalta den bo fotograf, un detaye, un paña etc.
-Capta diferente tononan di blauw den bo fotograf.
-Pone atencion na detayenan manera portanan y bentana.
-Y probecha tambe e actividadnan di Carnaval pa captura e color blauw den e diferente parada y actividadnan.

Biba nos Herencia
Ta un proyecto organisa pa Stichting Monumentenfonds Aruba den cooperacion cu Monique Anrochte, diferente partner cultural y boluntario cu e meta pa medio di fotografia y Instagram comparti e herencia tanto material como inmaterial di Aruba cu un y

tur. Pa e proyecto nos ta organisa diferente workshops, instameets y competencianan di fotografia pa asina conecta e participantenan na nos herencia cultural. Asina hunto crea un comunidad cu pasion pa herencia, cultural, arte y fotografia. Tur luna lo tin un premio diferente y e fotografnan di e challenge cu gana lo forma parti di un exposicion na final di e proyecto. Biba nos herencia ta un proyecto pa tur edad caminda na un manera interactivo y simpel por conoce y comparti Aruba su herencia cultural.

Pa mas informacion follow nos riba Instagram na @monumentsfundaruba / @langlevheterfgoed of por tuma contacto na info@monumentenfondsaruba.com

Pronostico di tempo

Tempo:
Awe tardi y awe nochi: parcialmente nubia y generalmente seco
Den marduga y mañan: parcialmente nubia cu un awasero pasahero



Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 38 grado Celsius
Uv index: 8

Bahada di solo : 6:41pm
Subida di solo : 7:05am

Biento:
Modera for di direccion oost-noordoost te oost; forsa 3 te 4 (12 te 30km/ora, 7 te 16 nudo).
Den dia basta fuerte den rafaga; forsa 5 (31 te 39km/ora, 17 te 21 nudo).

Situacion general di tempo pa proximo 24 ora:
Aire den region ta relativamente seco y esaki lo stroba desaroyo di mayoria di nu-

bia cu por produci awasero. Ademas por bisa cu stof fini di Sahara lo stroba visibilidad un poco den proximo dianan. Personanan cu sensibilidad respiratorio mester tene esaki na cuenta.

Condicionnan maritimo/estado di lama:

Na partinan protegi di costa: keto, rond di 1 pia.
Na partinan zuid: modera, entre 2 pa 3 pia.
Na partinan oost te noordwest di costa: generalmente modera cu olanan di 3 pa 4, Localmente e por yega 5 pia

TABUSCA
Orion Security Group N.V.
ta busca
Security Guard
Por yama na
Tel. 583 8314 / 592 2020
218003

TABUSCA
Mandara Spa
ta busca
Kapster
Por yama na
Tel. 520 6750
217400

TABUSCA
Church of Zion Foundation
ta busca
Onderhouds Man
Por yama na
Tel. 569 5717
217397

TABUSCA
New Ban Ban Cafe
ta busca
Kok
Por yama na
Tel. 592 9899 / 588 3530
217392

TABUSCA
Dora Garden & Maintenance
ta busca
Tuinman
Por yama na
Tel. 566 0545
217390

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

Señor ta bo wardador,
 Señor ta bo sombra na bo lado.
 Den dia solo lo no molestia bo,
 Ni luna den oranan di anochi.
 Señor ta warda bo di tur malo,
 si, E ta spar bo dida.
 E ta ward abo entrada y salida
 for di awor te den tur eternidad.
 Salmo 121: 5-8



Cu inmenso tristeza nos ta anuncia fayecimento inesperadamente di:

Ewald E. Bishop
 Mihor conoci como: "Waldi"
 *26-05-1963 - †27-01-2024

Na number di su:
 Esposa: Iris Bishop-Franken

Yiunan:
 Ewald Bishop
 Jonathan Bishop y Shaydee Schwengle
 Naomi Bishop (USA)

Nieta stima: Zoella Bishop

Mayornan: Esclien y †Wilfred Bishop-Vanenburg

Rumannan:
 Osleida Bishop (Cur)
 Marlon Bishop y famia (Cur)
 Giovanni Bishop y famia (Cur)
 Valery Bishop y famia (Cur)
 Wilfred Bishop y famia (Cur)
 Heinrich Bishop y famia (Cur)

Subrino/anan:
 Amouri Bishop, Jonathan Martina y you, Javier Martina,
 Heinrich Anthony y famia, Giovanni Barranco, Thalia
 Barranco, Jairo Bishop, Malyane Bishop, Gedione
 Bishop, Diomantly Bishop, Giyona Bishop, Djowendrick
 Bishop, Quecencisha Bishop, Blue Velly's Bishop

Suegra: Jozefa Antonia Bermudez

Swa y cuñanan:
 Anthony Kwidama y famia
 Melushka y Sydney Monticeux y famia
 Robert y Esmeralda y famia
 Mario y Joanna y famia
 Lisette y Urven Winklaar y famia

Amigonan:
 Andres, Ochi, Robby Pieterz, Josito y tur amistades
 nan na Aruba, Korsow, St. Maarten, Merca, Hulanda y
 Surnam.

Tur tanta y omonan, tio y tianan, primo y primanan,
 comer y compernan, bisñanan y ex-coleganan di Rotech,
 BoPel, Crown, Auto Bus y Ship-L.

Demas famia: Bishop, Franken, Vanenburg, Martina,
 Kwidama, Anthony, Barranco, Schwengle, Winklaar,
 Bermudez, Monticeux.

Oportunidad pa condolencia: diahuebs 1 di februari 2024
 na Royal Funeral Home di 7:00 pa 9:00 di anochi.

Ta invita pa e acto di entierro cu lo tuma lugar diabierna
 2 di februari 2024 na Royal Funeral Home di 09:00 pa
 11:00 di mainta, despues saliendo pa Santana catolico de
 Vries na Sta Cruz.

Nos disculpa si den nos tristeza nos por a lubida di
 menciona un miembro di famia of conoconir.

Despues di entierro nos no ta ricibi bishita di condolencia
 na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

Tu vida sera mas radiante que el sol de medio dia,
 y la oscuridad sera como el agua que paso
 Job 11:17

Cu hopi tristeza na nos curason pero agradecido pa tur
 locual e la hasi y ta nifica pa nos, nos ta anuncia fayecimento
 inesperadamente di



Robert Longinius Laclé
 Mihor conoci como: "Robby"
 *12-03-1962 - †23-01-2024

Na number di su:
 Casa: Luz Marina Laclé-Zuluaga

Yiunan:
 Edmund Laclé
 Chrystalle Laclé
 †Julissa Laclé

Mama: Henrica (Riet) van Hoof
 Tata: †Clyve Laclé

Rumannan:
 Marcel y Sharon Sommer- Phelipa y yiunan
 Max y Stella Laclé-Hayes y yiunan
 Monique Laclé y yiu
 Eduardo (Bubu) y Deborah Laclé-Thijzen y yiunan
 Chaim y Claudia Alvares y yiu
 Angelique Laclé

Suegra: †Maria Zuluaga- Franco (Colombia)
 Suegro: Jose Zuluaga (Colombia)

Cuñanan: Maria Eugenia Zuluaga (Colombia)

Tanta y omonan: †Thelma Laclé
 †Ismael y Allegonda Laclé-de Rijk y famia
 †Olga Vieira Alvez-Laclé y famia
 †Rita Laclé
 †Edgar Laclé y famia
 Filomena (Mena) y Gerard Marsman-Laclé y famia
 Sobrino y sobrinanan, primo y primanan

Manera yiu: Lauchi

Demas famia: Laclé, Zuluaga, Franco, van Hoof, Sommer,
 Hayes, Franca, Thijzen, Alvares, de Rijk, Vieira Alves,
 Marsman, Yazaragaray, Luidens, Thiel, de Mey, Erasmus, van
 Wanrooij

Oportunidad pa condolencia: diaranson 31 di januari 2024
 na Aurora Funeral Home di 7:00 pa 9:00 pm

Ta invita tur bisña, conoconirnan, amigo(a)nan y su coleganan
 di AAA N.V. pa asisti na e acto di despedida cu lo tuma
 lugar diahuebs 1 di februari 2024 di 9 pa 11 am, sigi pa e
 acto di cremacion cu lo tuma lugar den seno di famia.

Nos mas sincero disculpa si den nos tristeza nos por a
 lubida algun famia y conoconir.

Nos ta lamenta cu despues di entierro nos no ta ricibi bishita
 di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

Señor ta mi wardado, m'n tin falta di nada
 Den cunucu di yerba berde e ta ponemi sosega
 E ta hibami na awa tranquil
 Pa mi bolbe haña forsa
 Salmo:23

Cu tristeza den nos curason, pero conforme cu boluntad
 di Dios, nos ta participa fayecimento inesperadamente di:



Raymundo Fabiano Bermudez
 ex Taxista TX-21
 *23-01-1939 †23-01-2024

Mayornan: †San Martin Bermudez
 †Felicia Preccentation Tromp-Bermudez

Compañera: Vera Kelly y famia

Su yiunan:
 Marten Bermudez y Claverina Tromp
 Raymond 'Monty' Bermudez
 Alexander y Sasha Bermudez-Croes
 Marvin Bermudez y Julissa Croes
 Marla y Ryan Maduro-Bermudez

Nieto(a)nan:
 Derrick Bermudez
 Ferdinand Bermudez
 Shanon Bermudez
 Hillary Bermudez
 Sander Bermudez
 Marvic Bermudez
 Joshua Croes
 Jean-Ray Bermudez
 Mary-Ann Maduro
 Rymar Maduro

Bisnietanan: Dervienne
 Sophie Bermudez

Rumannan:
 Victoriano Bermudez y †Maria Bermudez-Faro
 †Imelda Eckmeyer-Bermudez y †Jacobo Eckmeyer
 †Francisco Bermudez y †Germania-Bermudez-Ramirez
 †Luis Bermudez †Josefa Bermudez-Faro
 †Marco Bermudez
 †Marianita Bermudez

Subrino(a)nan, Swa- y Cuñanan, Prima y Primonan,
 Comer y Compennan, Ihanan.

Famianan: Bermudez, Kelly, Tromp, Croes, Maduro,
 Eckmeyer, Faro, Ramirez, Winterdaal, Medina, Helder,
 Vrolijk, De Jongh, Juarni, Del Valle Manjarres, Fingal,
 Gonçalves, Tecklenborg, Koolman, Paskel, Ruiz,
 Carrera, Besselink, Martis, Leo, Mejia, Anjie, Simileer,
 da Silva, Eduardo, Figaroa y demas famianan.

Nos mas sincero disculpa si den nos tristeza, nos por a
 lubida un of otro famia/ conoconir.

Oportunidad pa condolencia y despedida ta tuma lugar
 diabierna 2 di februari 2024, for di 9:00 pa 11:00 di
 mainta na Aurora Funeral Home. Acto di cremacion ta
 tuma lugar den seno familiar.

Nos ta lamenta di no por ricibi bishita di condolencia na
 cas.



Aurora
Royal Pray
Funeral Home & Crematory

Bisanieto- y bisanietanan:
Shanyika, Shayneya, Caithlynn, Cayenne,
Guillyana, Camareno, Dezaya, Shae-lynn, Kaylyn,
Aiden, Kiana y Zoey

Tataranietonan:
Chase, Caleb y Cayne
Rumannan:
†Juan Sanchez y famia
†Alfonso Sanchez y famia
†Aura Sanchez y famia
Fanny Zievinger y famia
†Edith Malmberg y famia

Cuña y suanan:
†Walmira Godoy y famia
†Jorge Petro y famia na Colombia
†Carlos Patiño y famia na Colombia

Ex-coleganan di AMC Unicon

Demas famia: Sanchez, Godoy, Bermudes, Fortin,
Dekker, Dania, Lee, Bikker, Zievinger, Malmberg,
Diaz, Petro, Patiño, Kousemaker, Braber, Sint Jago,
Mannetje, Rigaud, Zuñiga.

Ta invita pa acto di entierro cual lo tuma lugar na
Royal Funeral Home diabierna 2 di februari 2024
di 2'or pa 4'or di atardi. Despues lo sali pa Santana
Central Sabana Basora

Nos ta pidi disculpa si, den nos dolor, nos por a
lubida un persona

Na paz lo mi bay drumi y pega
soño, pasombra ta Abo so,
O Señor, ta hacimi biba den
siguridad.
Salmo 4:8

Cu dolor na nos curason, nos ta
participa fayecimento di nos ser
stima:

Marta Beatriz Sanchez
*09-08-1938 - †26-01-2024

Yiunan:
Yvonne & Ricardo Fortin-Godoy
Sigfried & Ethline Godoy-
Dekker
Carlos & Malva Godoy-Dania
Martin & Zoraida Godoy-Lee
Tata di su yiunan:
†Sigfrido Godoy

Nieto- y nietanan:
Mauri & Marnix, Sawatsky
& Denise, Curt, Rhafotsky &
Marijke, Phil & Elaine, Ross,
Kim, Carlmaltsky y Chris

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Dios ta stima mi, pesey e ke pa mi bay cerca dje”
Nos ta anuncia cu:



JOY RAGHUNATH

a cambia loke ta temporal pa loke ta eterno.
San Nicolas, 6 augustus 1952
Oranjestad, 25 di januari 2024

Den number di Charitto Chavez, su compañera pa mas cu
27 aña,

su yiunan Isadora, Ricardo, Marianna y su nietonan
Sebastian, Anton, Bruno y Renée

Joy su rumannan:
+ Reno y famia
+ Iwan y famia
+ Irving y famia
Lloyd y Ria y famia
Glenda y famia
Dennis y famia
+ Melvin y famia

Su subrinanan:
Kaveri Raghunath
Gay Sherida Spellen y Shamika Mathilda
Yadira Raghunath na Corsou
Su yiu sin dolor:
Jorrick Briesen

Picasso su chihuahua cu a duna tanto amor y cariño.

Nos ta invita, segun Joy su deseo, pa bin comparti na un
acto di celebracion di su bida. Mirando cu e ta bay ta un
celebracion, suplica ta bay pa por fabor no bisti paña di luto.
Celebracion lo tuma luga na Aurora Funeral Home
diabierna, 2 di februari 2024 for di 2'or te 4'or di atardi.
Boso presencia lo ta altamente aprecia.

Cremacion lo tuma luga den circulo cera.

Cu Honda pena y conforme cu boluntad di Dios, nos ta anuncia fayecimento di



Reymundo Fabiano Bermudez

Mihor conoci como Fabi ex Tx 21.

Na bida miembro di nos grupo,

“Amigonan di Refresqueria Mayor”

Condolencia na su compañera Vera, yiunan y demas famia.

Miembronan

+ Sr. Lano Wever
+ Sr. Rafael Wout
+ Sr. Jofre Gomez
+ Sr. Francisco Figaroa
+ Sr. Rudolph Croes

Sr. Mundo Albus
Sr. Sonny Tromp
Sr. Karel Jeandor
Sr. Latty Wever
Sr. Dito de Haseth
Sr. Clemence Coutar


Cu nos gran amigo Fabi sosega na paz.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada.
Den cunucu di yerba berde e ta ponemi
sosega. E ta hibami na awa trankil,
pa mi bolbe haña forsa”.
Salmo: 23

Nos ta participa fayecimento di:



Luz Dary Velasco Aguirre
Cariñosamente yama “Dary”
*17-05-1969 - †31-01-2024

Acto di despedida lo wordo anuncia despues

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada.
Den cunucu di yerba berde e ta ponemi
sosega. E ta hibami na awa trankil,
pa mi bolbe haña forsa”.
Salmo: 23

Cu dolor na nos curason, nos ta participa
fayecimento di nos ser stima:



**Sra. Isidoria M.
Rasmijn-Tromp**
Cariñosamente yama “Chima”
*15-05-1954 - †29-01-2024

Acto di entierro lo wordo anuncia despues

Homber acusa di decapita su tata y post video online

(AP) — Un homber acusa di decapita su tata na un suburbio di Philadelphia, Merca, a post un video di e suceso riba rednan social cu ta mustr’e ta hisa e cabes corta y critica gobierno, segun autoridadnan a bisa ayera.


Justin Mohn, 32, kende ta acusa cu asesinato den prome grado y abuso di un curpa sin bida, tabata arma y a bula un heki na un facilidad di Guardia Nacional como 160km leu ora el a keda aresta diamars laag, oranan despues di e asesinato, segun un vocero di e guardia.

E tata, identifica como Michael F. Mohn, a ser haya decapita den baño di e cas na Levittown unda e yiu homber tambe tabata biba.

E video riba YouTube, mas di 14 minuut largo, a mustra Justin Mohn hisando e cabes y identificando nomber di su tata. Polis a bisa cu ta parce cu e ta-

bata lesando un guion mientras e tabata curasha violencia contra oficialnan di gobierno y a yama su tata un traidor di su pais.

Michael Mohn tabata un empleado federal, un ingeniero cu seccion geo-ambiental di oficina di distrito di Philadelphia di ehercito Mericano.



Mohn, kende tambe a keda aresta pa un cargo di posesion di arma, a keda procesa ayera y detenido sin fianza cu un audiencia programa pa dia 8 di februari. Ta spera cu polis y fiscal ta bay duna detayenan adicional durante un conferencia di prensa diabierna.

UE ta lansa mision naval den Lama Cora dentro di tres siman pa protege contra atakenan Houthi



(AP) — Union Europeo tin plan pa lansa un mision naval den Lama Cora dentro di tres siman pa yuda defende barconan di carga for di atakenan di rebeldenan Houthi na Yemen, cu ta obstaculisando comercio y causando aumento di prijs, segun diplomatico top di e bloc a bisa ayera.

Hefe di politica exterior di UE, Josep Borrell a bisa cu e ta spera cu e ministernan di exterior di e bloc ta bay autorisa e mision ora nan reuni dia 19 di februari proximo. Oficialnan ta bisa cu siete pais di UE ta cla pa provee barco of avion. Belgica ya a compromete pa manda un frigate. Ta spera cu Alemania lo haci mescos.

E Houthinan cu sosten di Iran a ehecuta un campaña persistente di atake cu drone y misil riba barconan comercial pa motibo di e ofensiva di Israel na Gaza contra Hamas cu a cuminsa na october. Sin embargo, e rebeldenan basa na Yemen frecuentemente a ataca barconan sin laso cla cu Israel, afectando transporte maritimo den un ruta clave pa comercio global entre Asia, Medio Oriente y Europa.

Borrell a indica cu e mision – yama Aspides, di e palabra Griego pa ‘escudo’ – no ta bay participa den ningun atake militar y ta bay solamente opera riba lama.

Iran ta menasa di responde na cualkier atake di Merca



(AP) - Iran a menasa di aranson di “responde decisivamente” na cualkier atake di Merca riba e Republica Islamico despues cu President Joe Biden a conecta Tehran na e asesinato di 3 soldaat Mericano na un base militar na Jordan.

Merca a señala cu e ta prepara pa atakenan den Medio Oriente den bista di e atake di drone diadomingo cu tambe a herida por lo menos 40



trupa na Tower 22, un base secreto na Jordan cu ta crucial pa e presencia Mericano na Siria.

Cualquier atake Mericano extra por sigui inflama un region cu ya caba ta afecta pa Israel su guerra andando contra Hamas na Gaza Strip. E guerra a cuminsa cu Hamas su atake na Israel dia 7 di october, causando fayecimento di

1,200 persona y a tuma 250 persona como rehen. Desde e tempo aki, Israel a asesina mas di 26,000 Palestino y a desplasa casi 2 miyon otro for di nan cas, instando rabia den henter e mundo Musulman. Violencia a surgi den Medio Oriente, cu Iran atakando na Iraq, Pakistan y Siria y Merca atacando Yemen su rebeldenan Houthi a causa di nan atakenan den Lama Cora. Algun di e observadornan tin miedo cu un ronda nobo di atake contra Iran lo por hinca e region den un guerra hopi mas amplio.

Un U.S Navy Destroyer a contraresta un misil lansa pa e rebeldenan Houthi diamars, e atake mas recien contra forsanan Mericano cu ta patruya e rutanen maritimo clave, oficialnan a declara. Merca despues a lansa un ronda nobo di atake contra e Houthinan. E advertencianan di Iran a bini prome for di Amir Saeid Iravani, Iran su embahador pa United Nations na New York. El a duna un conferencia na e reporteronan Irani diamars, segun e agencia di noticia di e estado IRNA. “E republica Islamico lo decisivamente responde na cualkier atake contra e pais, su interesnan y e nacion bao cualkier pretexto,” IRNA a cita cu Iravani a declara.

El a describi cualkier posibel retaliacion como un “respuesta fuerte,” sin elabora. E mision di Iran na Nacionnan Uni no a responde na petitionnan pa comentario of elaboracion diaranson tocante Iravani su remarcnan. Iravani tambe a nenga cu Iran y Merca a intercambia mensahe durante dianan recien, ni directamente ni tampoco via intermediarionan contrario na loke Al Jazeera a reporta.

“Mensahenan no a ser intercambia,” Iravani a declara.

Gezocht voor het bestuur van Stichting Monumentenfonds Aruba: SECRETARIS

Deze functie is een vrijwilligersfunctie die wordt benoemd door het bestuur van Stichting Monumentenfonds Aruba (SMFA). Verwacht wordt dat de secretaris maandelijks de bestuursvergadering kan bijwonen en tussentijds, meest via e-mail, contact houdt met het bestuur en de directeur van de stichting. Stukken ter besluitvorming worden door de organisatie voorbereid en aan het bestuur voorgelegd. Daarnaast wordt de secretaris verwacht bij enkele diverse publieke evenementen van de stichting, afhankelijk van de voortgang van diverse projecten. Ook is de secretaris statutair tekenbevoegd bij het aangaan van overeenkomsten. Voor de functie is een maandelijkse onkostenvergoeding beschikbaar van Afl 400,-



- Beschikbaar voor gemiddeld 4 uur per week
- Kennis van of interesse in cultureel erfgoed
- Opleidingsniveau minimaal HBO
- Achtergrond in juridische zaken en/of bouw is een pré
- Conform de statuten *“Leden van het bestuur kunnen niet zijn degenen die in dienst zijn danwel in dienst treden danwel bestuurslid of commissaris zijn bij een van de organisaties of instellingen – al dan niet rechtspersoon zijnde en al dan niet van ambtelijke aard – die werkzaam zijn in het kader van het monumentenherstel.”*
- Kennis van Papiamentu, Nederlands en Engels

Stichting Monumentenfonds Aruba streeft naar een gebalanceerde samenstelling van het bestuur.

U wordt verzocht uw motivatiebrief en CV uiterlijk 18 februari 2024 aan te leveren bij:

Stichting Monumentenfonds Aruba
T.a.v. Anne Witsenburg, directeur
Avenida Milio Croes 26
Oranjestad
Of per e-mail aan secretary@monumentenfondsaruba.com

